

南堂禪師語錄

C40
4514
(191)



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

戰論新疏 卷下

040-4514

了翁上座請大藏及有
家書置武別紫雲山
我微笑塔院瓦房中永
為藏不散許出院內
當山二世鐵牛機謹啟



B 64853

南堂了菴禪師語錄序

金華

宋

濂

予壯齡時與千巖長公爲方外交千巖以南堂禪師
偈贊示余余讀之驚曰是有所證悟者之言也絕枝
蔓去町畦而不墮於情識之境不意大法凋零而能
見斯人哉千巖以余言爲然當時之所見僅一二章
耳自時厥後或吳或楚或梁宋或魯衛名僧開士多
有謁余浦陽江之上者余旣見輒問見南堂否曰見
之曰有何言遂各解囊相示見漸多則其心慕之爲
愈至及來京師其弟子祖瀋海壽復持三會語畀余

撰述

卷之三

而求爲之序讀之連日因獲盡其大觀焉嗚乎據獅子座演如來法其任甚不輕也在他人爲之東剽西掠拈綴成篇而椎鑿之痕故在師則渾融無跡不異雲添而天空者矣在他人爲之拘滯一隅動輒有礙或得乎此竟遺於彼師於殺活之機縱橫皆自如矣在他人爲之氣索神沮不自振拔而無以應來學之求師乃圓滿充足覃及於諸方矣有若師者其所造詣誠非凡情之可度量哉夫以少林西來惟究心源言辭直截初無隱晦傳至大鑒恐爲世諦添布不得不秘護而密持之歷代碩師隨時升降慈憫峻厲各

立戶庭其接引雖若有不同所以祛逐妄緣而挽入正途者則一而已矣迨及宋季尚奇騁異昔其師授而流於頗僻者漸多有之君子言之未嘗不爲之太息師能循蹈矩矱惟祖武是繩提唱真乘使人復見大鑒遺意其扶樹正宗之功夫豈小哉余之慕師非一日鉅細之辭皆獲觀焉故知師爲獨深而謂非他人之所能及然可惜者師之名位不滿於德使其說法五山布燮鍼之慈雲澍滂沱之教雨則其功逮被又不止今之所見而已雖然名外也非內也德內也非外也師內重而外輕者也苟以在外者之崇卑以

爲在內者之低昂是不知師者也師之行業余旣詳書成記勒之堅珉復爲讀斯錄者著其說如此千巖在定光中又未必不以余言爲然也師諱清欲字了菴南堂其號也族姓朱氏台之臨海人嘗住開福本覺靈巖三禪刹云

南堂了菴禪師語錄總目

卷原序

宋濂

卷之一

開福禪寺語錄上 三十六則

卷之二

開福禪寺語錄下 四十則

卷之三

開福禪寺語錄上 二十七則

卷之四

開福禪寺語錄中 四十二則

本覺禪寺語錄下 三十七則

靈巖禪寺語錄上 二十四則

靈巖禪寺語錄下 十九則

舉古上 四十五

舉古下 三十七

宋鑑

卷之十

法語上 十則

卷之十一

法語下 八則

卷之十二

普語 一篇

卷之十三

偈頌一 四十六篇

卷之十四

偈頌二 四十五篇

卷之十五
偈頌三 四十三篇

卷之十六
偈頌四 五十一篇

卷之十七
偈頌五 八十首

卷之十八
偈 一百三十五首

卷之十九
謡 三二篇

卷之二十
謡 三二篇

南堂歌 二篇

十二時歌

四威儀

銘 三十一首

卷之二十一

贊上 八十九首

卷之二十二

贊下 七十二首

卷之二十三

題跋 三十二篇

80

1

撰述

附錄 三首

「看禪師詩集卷目」

卷之三十一
贊十二首
贊十二首
贊十二首
贊十二首
贊十二首

四風讚

南堂了菴禪師總目 終

南堂了菴禪師語錄卷之一

參學比丘一志元皓等 編

學書題明後學沙門兜率明聞重閱

集慶路中山開福禪寺語上

天曆二年七月十八日入寺指山門云我此法門直出直入中下之流自望不及喝一喝

佛殿世尊拈華迦葉微笑賴有文殊與普賢熨斗煎茶不同銚
室真不掩僞曲不藏直石裂崖崩雷轟電激轉得
身來未有棒喫喝一喝一華梵頓歇五不昧哉

撰述

高僧傳記卷之二

諸山疏一佛出世各坐一華接影連輝互不相借
 山門疏有主有賓有酬有唱坐斷舌頭一椎兩當
 指法座云須彌燈王面目見在未善觀瞻爲我作禮
 便陞座拈香祝聖畢次拈香云奉爲見住保寧禪寺
 古林大和尚一爐爇卻不圖報德酬恩只貴遯相鈍
 置遂就座無想和尚白椎云法筵龍象衆當觀第一
 義師乃顧視大衆云只此一會不異靈山莫有爲衆
 竭力者麼

僧問丹山鸞鳳九苞文地位清高隔五雲四海具瞻
 時一見願聞真唱答明君師云千峯朝華嶽萬派肅

滄溟進云萬方有道歸明主一句無私利有情師云
 黃河九曲水出崑崙進云祝賛已蒙師指示向上宗
 采事若何師云眼不見鼻孔進云曹溪流非止水一
 滴忽來千波競起時如何師云退後退後進云平生
 不解藏人善到處逢人說項斯師云莫謗山僧好又
 僧問天不言四時行地不言萬物生學人有疑願聞
 開示師云萬人遐仰處紅日到天心進云野老不知
 競舜力蓼蓼打鼓祭江神師云眼見如盲口說如啞
 進云千古華山山脚下又添潘閻倒騎驢師便喝僧
 禮拜師乃云建法幢立宗旨拓開無上妙門顯示第

撰述

南宮憲齋詩錄卷八

一義諦天何寬地何窄青山不青白雲不白十字街
 頭醉翁子夢裏惺惺三家村裏臭胡孫甚生標格掀
 翻是非窠窟截斷凡聖蹤由德山捧頭全彰大用臨
 濟喝下脫體風流垂衣正裳聖天子繼唐虞之化修
 文偃武賢宰相需霖雨之秋所以道一毛見神變一
 切佛同說經於無量劫不得其邊際喝一喝云將謂
 合有恁麼說話拈拄杖云拄杖子穿過諸人鼻孔卽
 不問梁寶公騎佛殿出山門畢竟成得箇什麼事卓
 柱杖云千尺鯨噴洪浪飛一聲雷震清森起復舉祖
 師云吾本來茲土傳法救迷情一華開五葉結果自

然成五祖演和尚云達磨大師信腳來信口道後代
 兒孫都成計較諸人要會開華結果處麼鄭州梨青
 州棗萬物無過出處好師云提本分鉗錐碎情解窠
 窝還他五祖老人要見開華結果處則大遠在諸人
 要會開華結果處麼拈卻鄭州梨放下青州棗出門
 便是長安道久立珍重

小參鳳凰臺上對三山嘯月眠雲趣自閒一疏忽從
 天外至又移身入鬧籃間是知道人行處如火消冰
 動靜去來該他不着一抽三二添四截鐵斬釘和泥
 合水有來由無本據擊碎上頭關千華生碓觜豈不

撰述

南齊書卷之二

見長沙和尚云百尺竿頭坐底人雖然得入未爲真
 百尺竿頭重進步十方世界是全身拈拄杖云騎駿
 馬驟高樓萬里銀河輒玉茲卓拄杖云有時因好月
 不覺過滄洲復舉德山小參不答話問話者三十棒
 時有僧出德山劈脊便棒僧云某甲話也未問因甚
 便打山云你是甚處人僧云新羅人山云未跨船舷
 好與三十棒此庵拈云忒殺倚勢欺人山僧見處也
 要諸人共知者僧當時若是箇漢待他道你是甚處
 人便與掀倒禪床踢起便行直饒德山牙如劍樹口
 似血盆也須倒退三千何故識法者懼師云德山正

令當行這僧黠兒落節若謂倚勢欺人屈他先德不
 少雖然還知此菴老人落處麼劍爲不平離寶匣藥
 因救病出金餅

中秋上堂舉馬祖與西堂百丈南泉翫月次祖云正
 與麼時如何堂云正好供養丈云正好脩行泉拂袖
 便行祖云經入藏禪歸海唯有普願獨超物外師云
 言氣相投機感相應古今盡謂翫月話奇特殊不知
 馬大師憐兒不覺醜若也據令而行者一隊弄光影
 漢總好與本分草料免見門戶寂寥拍禪床云禹力
 不到處河聲流向西入宇不畏風朴拙宇相送無言

80 1 2 3 4 5 6 7 8 9 90 1 2 3 4 5 6 7 8 9

100 1 2 3 4 5 6 7 8 9

撰述

高僧傳記卷之二

上堂僧問以字不成八字不是是什麼字師云點畫分明進云曾有問地藏藏云看取下面註脚且道註脚箇什麼師云未會註脚且看正文進云如何是正文師云以字不成八字不是進云和尚莫瞞人好師云你曾問幾人來進云卽今問和尚師云卻是你瞞我僧禮拜師乃云參禪須透祖師關妙悟要窮心路絕殺人劍下驀翻身活人刀邊流出血曜靈寒頑鬼熱四七二三難辨别別別使八極頂目者不自爭衡見斯人兮駕御昂拏

上堂舉白雲示衆云金葉叢叢帶露新采來烹茗賞

佳辰浮盃何必須宜酒但有清香自醉人師云白雲老人大似巧媳婦做出無麪餌惜乎知味者少開福效顰亦有一偈重陽黃菊未成花落帽無勞憶孟嘉但得青山長在眼不妨流水去無涯

上堂今朝九月半萬事隨時變霜風刮地來木葉盡零亂古人道要識不遷義但向萬物凋落處會取是你諸人會也未若也會得旋嵐偃嶽而常靜江河競注而不流野馬飄鼓而不動日月歷天而不周其或未然只知事逐眼前過不覺老從頭上來上堂卽心卽佛非心非佛不是心不是佛不是物靈

80 1 2 3 4 5 6 7 8 9 99

1 2 3 4 5 6 7 8 9 100

撰述

光洞曜迥脫根塵體露真常不拘文字天開地闢日照月臨新羅國裏打鐵火星燒你脚跟賓頭盧尊者忍痛不禁鑽入阿耨達池中去也唵麼尼達哩悉哩蘇盧

上堂歸宗事理絕日輪正卓午自在如師子不與物依怙看他古人得恁麼自在得恁麼快活開福者裏波波挈挈百醜千拙卽事卽理拖泥帶水手指東西眼觀子午喝下驚翻蹠屎猪棒頭敲出金師子且道與古人是同是別相逢自有知音知何必清風動天地

上堂摩尼珠人不識如來藏裏親收得萬象森羅影現中一顆圓光色非色永嘉大似乞兒暴富開福道摩尼珠誰不識擊碎分文也不直拋向虛空更那邊免使時人掛胸臆然則雲開目出職到威成撞着本色道流恰似泗州人見大聖

小參坐立儼然賓主歷然百千法門同歸方寸河沙妙德總在心源直得無邊刹境自他不隔於毫端十世古今始終不離於當念又說甚晷運推移日南長至禪之與道拈放一邊妙之與玄置之一處山僧不作佛法商量諸人不作世諦流布明朝起來淨洗了

80 1 2 3 4 5 6 7 8 9 90 1 2 3 4 5 6 7 8 9

撰述

南齊書

卷之二

面大佛殿上禮拜燒香依舊只是尋常事例縣橋頭
 李八伯半醒半醉不覺起來呵呵大笑且道笑箇什
 麽壁上安燈盞堂前置酒臺悶來打三碗何處得愁
 來復舉洞山冬夜喫菓子次山云有一物上柱天下
 柱地常在動用中動用中收不得過在什麼處泰首
 座云過在動用中山喫侍者掇退菓桌師云太阿橫
 按凜凜神威寶鑑當臺澄澄光采只如掇退菓桌又
 作麼生雲自帝鄉去水歸江漢流

道天帝釋絕視聽而雨華鈞頭有餌秤尾無星據令
 而行總須按過開福今夜年窮歲盡撾三通鼓聚集
 片時不似北禪烹露地白牛大驚小惟張龍打鳳灑
 蝦撈蝦但願明年蠶熟麥熟稻熟鼓腹謳歌樂太平
 六六還他三十六復舉僧問古德年窮歲盡時如何
 德云東村王老夜燒錢師頌云東村王老夜燒錢
 煙聲中又換年好是門前泥力士不將閒事汚心田
 上堂一二三四五六三二一渡水不穿靴黃昏候
 日出元正啓祚萬物咸新看取千花生碓觜太平元
 不在麒麟

撰述

增補卷之二

天壽聖節上堂摩醯正眼洞徹十虛迎陵仙音徧周
沙界標三才而建立舉四海而安之纘列聖之丕圖
膺靈山之付囑摧怨破敵運金剛輪發政施仁作獅
子吼當流虹之瑞旦慶萬世之昌期然則蕡桴土鼓
共樂升平堯舜之君猶有化在所以道向上一路千
聖不傳萬仞崖頭縱橫得妙卓拄杖云將此身心奉
塵刹是則名爲報國恩

元宵上堂鏡鏡交輝燈燈相燭境智互融事理俱備
喚作華藏性海正是平地揚波直饒盡乾坤大地無
纖毫過患猶是轉句不見一色始是半提更須知有

全提時節便恁麼去法堂前何止草深一丈放過一
着有個商量山門新舊知事隨年進退因時請得首
座表率維那舉唱洗光佛日重整頽綱見前諸德一
一循規守矩人人含短從長信手揭開釋迦老子青
蓮華眼徐步踏着達磨大師生鐵脊梁有底碩學飽
參與汝證據無底良辰美景與汝敷揚以拂子畫一
畫云好事不須頻話會畱將和氣暖肝腸
上堂未離兜率已降王宮未出母胎度人已畢釋迦
老子不唧溜十萬里來九年面壁直指人心見性成
佛達磨大師不唧溜朝往天台暮歸南嶽撥草瞻風

撰述

百字齋詩集卷之二

尋師訪道衲僧家不唧噥拈拄杖卓一下云離四句
 絶百非動容揚古路不墮悄然機喝一喝
 上堂國師三喚侍者三應可謂形直影端及乎道箇
 將謂吾孤負汝卻是汝孤負吾便見分疎不下且請
 訏在什麼處者裏悟去非唯識得國師亦表叅學眼
 正其或不然三十年後不得道見開福來
 聖旨至上堂久晴不雨田夫皴斷眉頭久雨不晴衲
 僧浸爛鼻孔進一步撞倒百億須彌山退一步踏翻
 無邊香水海且截斷千差孤危不立一句作麼生道
 好大衆疊疊綸音下九天融融春意滿林泉一爐沈

水一聲佛仰祝吾皇億萬年

小叅趙州問南泉云如何是道泉云平常心是道州
 云還假趣向否泉云擬向卽乖州云不擬爭知是道
 泉云道不屬知不屬不知知是妄覺不知是無記若
 真達不疑之道廓然蕩豁如太虛空豈可強是非耶
 者般說話正如鬧市裏颶碌埠相似直是着者方知
 趙州既是打著當下如暗得燈如貧得寶粉骨碎身
 未足酬一句了然超百億如今者一片磚落在山僧
 手裏自去年此時離鳳臺來此十字街頭東拋西擲
 只是未曾打着一人擊拂子云黃河三千年一度清

撰述

宣州天寧遺書至上堂鐵牛吼破雙溪月石女含笙悲不徹鶴眼龍睛總不知聾子親聞啞子說山僧二十年前親見草庭老子向萬仞崖頭拾得個斷貫索到處穿他天下宗師鼻孔及乎應緣而出瑞世天寧水到渠成風行草偃又欲用此索穿他天下衲僧鼻孔化緣旣畢庵爾真歸撒手那邊全無朕跡所以道聲前非聲色後非色蚊子上鐵牛無你下觜處山僧今日不免倒行此令去也小間下座詣靈前燒一炷香點一盞茶欲與他穿了鼻孔何故喫拳須記打拳時

上堂趙州喫茶睦州擔板喝水成冰蒸砂作飯披萬象獨露全身破微塵出大經卷拈拄杖云權實空有偏圓半滿百般製造由人到底無過是麪卓拄杖喝一喝

上堂深不深密不密昨夜三更黑如漆海神推出夜明符萬象莫能逃影質釋迦自釋迦彌勒自彌勒達磨老臊胡何處尋蹤跡剝竿頭上禮西方九蓮開作黃金色喝一喝

上堂心王不妄動六國一時通罷拈三尺劍休弄一張弓古人可謂運籌帷幄決勝千里山僧卽不然五

撰述

鳳樓前聽玉漏須彌頂上擊金鐘一毛頭上三千界
雲月溪山處處同

開爐上堂今朝十月旦開爐無數炭倒轉死柴頭光明何燦爛三世諸佛在此轉大法輪六代祖師在此聯芳續談天下老和尚在此各立門庭光光相羅如寶絲網大用現前清機歷掌有功者罰無功者賞引水澆蔬五老前披蓑側笠千峯上喝

上堂昨日十四今日十五大法難明時光易度動則涉塵勞之境靜則沈昏醉之鄉動靜雙泯則落空亡動靜雙收則顛頽佛性到者裏須知有透脫一句始得拈拄杖云倒跨楊岐踏殺長沙虎擲下拄杖云三歲孩兒抱花鼓莫來攔我毬門路

上堂舉寒山子道我見瞞人漢如籃提水走急急走歸家籃裏何曾有保寧勇和尚舉了拍手大笑云有意氣時添意氣不風流處也風流師云然則下坡不走快便難逢保寧老漢腳跟下好與三十棒小參僧問仲冬嚴寒年年事晷運推移事若何師云昨夜日輪飄桂華今朝月窟出芝草進云仰山近前义手意旨如何師云奴見婢殷勤進云香嚴义手近前又作麼生師云大家廝溷酒進云去此二途請師

80 1 2 3 4 5 6 7 8 9 100 1 2 3 4 5 6 7 8 9

撰述

南堂禪師詩錄卷之二

別道師云無人處所額望汝師乃云朕兆未分陰陽
已具乾坤旣剖萬彙茲彰水肅霜清風高木落突出
無位真人一個個面前孤迥迥地新羅國裏打鼓大
唐國裏上堂洗面摸着鼻啜茶濕卻觜七十三八十一
四把住雪峰趙州放過德山臨濟倒着襯衫舞柘枝
萬仞峰前恣遊戲喝一喝復舉圓悟和尚示衆云到
卽不點一大藏教錦上鋪花點卽不到祖師西來金
聲玉振且祖意教意是同是別碧潭雲外不相關師
云老佛果只解步步登高不解從空放下人前一味
拍盲豈信弄真成假山僧與麼批判諸人還證明得

麼良久棒上不成龍

上堂華綻老梅日南長至笋迸陰崖吉無不利東隣
西舍鐘鼓喧天後巷前街笙簧聒地冷風吹帽正中
偏頰風打腮粗裏細是非榮辱何似生瞎驢不受靈
山記

客至上堂三世如來同一舌大藏教中無法說衲僧

手裏定盤星萬里長天耀孤月首座有長處且不循

途轍荆棘林中放步行拔出時人釘根楔

先保寧和尚忌日拈香出黃泉又入黃泉穴鼻無繩

不受牽倒轉一枝無孔笛蘆花明月滿前川你諸人

撰述

雷峰禪師詩卷之二

還知我老和尚落處麼
卷四大海水於舌端不見涓滴
置微塵刹土於毛孔囊括大千總謂其嫌白雲之語拙受五祖之說禪夫豈善用黑豆之活法契鷲峯之正傳以香扣爐云相席打令飲水思源盤山會裏翻筋斗到此誰知普化顛大悲身中擔起萬物

上堂竺土大仙心東西密相付以字既不成八字亦不是昨夜三更虎咬大蟲今早起來蛇吞鼈鼻拍禪床云有利無利不離行市生鐵秤錘却被蟲蛭喝中臘八上堂日日佛誕生日日佛成道空裏無花折去難水中有月看來好賣狗懸羊一體三寶垢面蓬頭

輒出時何異大蟲裹紙帽咄

上堂天清地寧時康道泰興化令行漆桶不快高唱低酬貴買賤賣寄語諸方不要捏恠下座

小參利劍拈來斬是非何妨高駕鐵牛機東村王老燒錢夜正是年窮歲盡時事存函蓋合理應箭鋒枉鬼家活計不要施呈大丈夫兒別有天地我若坐時你須立你若立時我須坐趙州勘破臺山婆子湖要打劉鐵磨千古萬古黑湯湯一曲胡笳少人和
元旦上堂昨日是歲除今朝是正旦送舊與迎新司空曾見慣卓拄杖六龍已駕隨羲和四海八荒光燦

撰述

南堂禪師語錄卷之一

爛

天壽節上堂萬法是心光諸緣唯性曉本無迷悟人
 只要今日了且道了個什麼良久云甲辰正月十一
 日大元天子降生時刹海塵毛咸稽首萬年松長萬
 年枝
 上堂二三月來天氣和煖常憶真淨老師偏愛說長
 話短又爭如東山老人哈歌頻打拍板烏鵲走入鵝
 群鴨兒凍得觜區水面或沈或浮何時解成瑚璉大
 衆還會麼三面狸奴脚踏月兩頭白拈手擎煙戴冠
 碧兔立庭栢脫殼烏龜飛上天

上堂千波競起是文殊家風一亘晴空是普賢床榻
 且毗盧師法身主又作麼生言論直饒道得個儻分
 明衲僧門下未放伊在何故海枯終見底人死不知
 心拍禪床下座中山開福禪寺語下

小參明朝冬至今夜小參燈籠發閣露在指南一個

道甫吳門庵率闡菩薩戒比丘明聞捐鉢資教刻甫堂了菴禪師語錄第一卷專伸報薦
在庫先父文元張公先母金氏安人同證菩提
崇禎七年甲戌佛成道日姑蘿兜率園謹識

南堂了菴禪師語錄卷之一 終

撰述

廣雅釋義卷之二

七

七

南堂子菴禪師語錄卷之二

日大士文彙公子大士金身
年補堂丁菴禪衲縉縵一卷
吳門愧率園善薦并卦印闡脉桂資燭

上堂二三月來天氣和煖常憶真淨老師偏愛說長
少卦輒未石廬山老人哈歌頻打拍板鳥鶴走入碧
樹林曾因有朱姑母寄可憐林株是知人滅不昧
其地宣禱去良玉又卦應主言輪直指並昇開黨衣
真堂子菴禪師文櫻宋風天亘虛空是普賀未林

南堂子菴禪師語錄卷之二

中華書局影印
參學比丘一志元皓等 編

南堂子菴禪師語錄明後學沙門兜率明聞重閱
惠海住集慶路中山開福禪寺語下

小參明朝冬至今夜小參燈籠發問露柱指南一個
道有佛有法一個道無三無三兩個亂呈懵袋無非
誑諱閭閻若也據令而行總須貶向二鐵圍山幸而
拄杖子有個方便與伊解結釋冤乃拈拄杖云唵部
臨唵齒臨強中強吉中吉一切不如心真實卓拄杖
喝一喝

撰述

卷之三

上堂宗門有三句未舉先分付更擬問如何知君太
莽鹵雖然更爲你註解一遍法鼓未鳴諸人未集是
第二句卽今坐立儼然說黃道黑是第三句作麼生
是第一句若也道得許你應時納祐若道不得路從
平處險人向靜中忙喝一喝

上堂三四五六七八九釋迦老子不知有雪山六載
眼瞶麻錯認南箕爲北斗一毛頭上見全身百億毛
頭跨好手堂前鐵鋸舞三臺嶺上石人開笑口喝
上堂夜來州中琴堂上搬雜劇也有端嚴奇特也有
醜陋不堪鬼面神頭亦自好笑且道笑箇什麼我觀

世間人是個大雜劇所謂文武醫卜士農工商各逞
已能互相欺誑逗到臘月盡頭不覺一場敗闕具眼
旁觀掩口不暇喝一喝云元正啓祚萬物咸新岸柳
搖金梅破玉萬邦一氣轉洪鈞下座巡堂喫茶
佛涅槃上堂十五日以前諸佛不出世十五日以後
亦無有涅槃正當十五日柳綠花紅山明水碧頭頭
見刦外風光處處是大人境界只貴當陽坐斷直下
知歸稍涉思惟便成剩法拍禪床云隣牆難隔借來
竹險浪不傾端坐船

上堂舉保寧勇和尚示衆云風鳴條雨破塊曉來枕

撰述

萬葉集解卷之三

上鶯聲碎蝦蟆蚯蚓一時鳴妙德空生都不會都不會三箇成羣四箇作隊向前村後村折得梨花李花一佩兩佩師云保寧大似二八少年風流才子一向賣俏於唱教門中足可觀光若約衲僧門下正好喫棒何故禾黍不陽艷競栽桑李春翻令力耕者半作賣花人

浴佛上堂撲落非他物縱橫不是塵山河及大地全露法王身者裏悟去未離兜率已降王宮未出母胎度人已畢拈拄杖卓一下入解之浴池定水湛然滿布以七淨華浴此無垢人

小參季春已去孟夏到來衲僧分上不用安排豈不見道盡乾坤大地是沙門一隻眼盡乾坤大地是沙門全身何覺不圓何脩不證所以大覺世尊二千年
前靈山會上釤虛空中鐵櫃開福山僧四月十五日與見前大衆駕平地上鐵船逆長風而把柁節清歌而扣舷卓拄杖云翡翠踏翻荷葉雨鶯鶯衝破竹林煙喝
妙智長老至上堂瞿曇舌頭無骨妙智皮下有血西天解守蠟人永東土不聞鶯護雪翻思百丈有三訣喫茶珍重歸堂歇未法師僧幾箇知茫茫弄巧翻成

撰述

卷之三

三

拙喝

蹊首座至上堂呆日麗天盲人摸地本色衲僧無處出氣豈不見興化一日同叅到纔上法堂化便喝僧亦喝化又喝僧復喝化云你看者瞎漢猶作主在僧擬議化拽拄杖直打下法堂侍者云者僧觸忤和尚化云是他適來也有權也有實也有照也有用及乎我將手向伊面前橫兩橫便去不得似者般瞎漢不打更待何時阿呵呵師子兒返擲龍馬駒跨跳打破上頭關王賓俱失照有底便道當時好再與一喝不然掀倒禪床拂袖而去有甚共語處山僧不逢別者

終不開拳適值大道師兄遠臨要使現前一衆與佗古人兩得相見還委悉麼青山不鎖長飛勢滄海合知來處高

上堂知有底道得道得底知有信手研方圓面南看北斗野干鳴師子吼稽首文殊普賢摩訶泥猪疥狗小參少室峯前動絃別曲曹溪路上葉落知秋放開也雲生八極把住也四海絕流枯拄杖云總在拄杖頭上還見麼大元天子混一區宇釋迦文佛大闡玄猷文殊三處度夏懶安一向牧牛踏破腳板拽斷鼻頭且畢竟發明箇甚麼邊事卓拄杖云釣竿研盡重

撰述

栽竹不計功程得便休復舉文殊三處度夏機緣頌
云正令當行下一椎從教徧界是文殊驚羣須是英
靈漢敵勝還他師子兒上堂拈拄杖云與麼來者彩鳳舞丹霄不與麼來者
鐵蛇橫古路直饒與麼不與麼去來道絕也是秤錘
醮醋卓拄杖下座

上堂大用現前不存途轍要默卽默要說卽說指鹿爲馬喚日作月臨濟德山只得一概喝一喝

師問僧甚處來僧云廬山師云五老峯頭白也未僧云白也師云年多少僧無語師云你豈不是廬山來

僧云是師便打出

上堂十五日已前水向石邊流出冷十五日已後風從花裏過來香正當十五日火後一莖茅鐵蛇鑽不入喝一喝

曠八上堂萬法是心光諸緣惟性曉本無迷悟人只要今日了咄哉老瞿曇討甚閑煩惱出山與入山自起還自倒夜來斗轉玉繩橫不覺全身墮荒草喝上堂拈一放一本分宗師蓋地蓋天罕逢作者刀刀相似魚魯參差任是鵠眼龍睛未免錯認驢鞍橋作阿爺下領喝一喝歸堂喫茶

撰述

百丈禪師錄卷之二

上堂釋迦拈花飲光微笑達磨面壁二祖安心驀拈
拄杖卓一下云白雲爲蓋流泉作琴一曲兩曲無人
會雨過夜塘春水深擲拄杖下座天平鑽敗壁雞向
上堂僧問單傳直指已涉離微坐斷千差請師答話
師云破鏡不重照落花難上枝進云便怎麼去時如
何師云烏龜鑽敗壁師乃云單傳直指正涉離微坐
斷千差開眼落井拈拄杖卓一下烏龜鑽敗壁雞向
五更啼

上堂兜率悅和尚云撥草瞻風只圖見性卽今上人
性在甚處識得自性方脫生死眼光落地時作麼生

底曉得生死便知去處四大分離向什麼處去好大
衆一等提唱一等垂示不妨徑截灼然要出離生死
須悟始得敢問諸人畢竟作何形段眼親手辨底便
好向者裏指出來看一表參學眼正二表叢林有人
三表可以開悟後學四使佛祖慧命不斷有麼有麼
其或未然聽取一頌九夏工夫一月過克期參究事
如何莫嫌老拙頻切怛浪死虛生數甚多珍重

上堂僧問一牛飲水五馬不嘶此意如何師云相識
滿天下知心能幾人進云隔江招手便乃橫趨畢竟
具什麼眼師云莫謗高亭好僧禮拜師乃云未明心

撰述

地印難透祖師關欲透祖師關須明心地印拈拄杖
云不是心地印卓拄杖云不是祖師關明得透得一
大藏教五千四十八卷半滿偏圓權實空有不消一
擊卓拄杖一下三脚驢子弄蹄行踏碎乾坤無寸土
喝

上堂行住坐臥折旋俯仰打破鏡來全無影像喝一
喝誌公不是閑和尚

上堂僧問卽色明心附物顯理時如何師云癩馬繫
枯椿進云三九二十七牛頭南馬頭北如何是接手
句師云百花深處鷓鴣啼僧禮拜師乃云百花深處

鷄鳴啼日出東方又落西昨夜一番新雨過今朝流
水漲前溪下座

上堂真不掩僞曲不藏直白日青天雷轟電激坐斷
報化佛頭超出聖凡闇域大藏與小藏演出復演入
卓拄杖云一毛師子衆毛畢

上堂舉古德道天上無彌勒地下無彌勒十字街頭
立被人喚作賊師云天上無彌勒地下無彌勒十字
街頭立底是什麼喝一喝云賊賊便下座
上堂荆棘林中有通天大路長安市上有陷虎危機
透得過者一任八面四方透不過者未免墮坑落塹

撰述

南宮子集金言

豈不見鹽官一日喚侍者將我犀牛扇子來者云扇子破也國師云還他犀牛兒來侍者無語便是者箇道理也靈利漢向者裏下得一轉語實謂清風再振頭角重生非唯鹽官老漢滿面慚惶抑且山僧通身懽喜有麼有麼良久云江上青山老屋頭春色遲箇中消息子能有幾人知

上堂舉世尊初生下時周行七步目顧四方分手指天地便云天上天下唯我獨尊後來雲門大師云我當時若見一棒打殺與狗子哭貴圖天下太平師云雲門好棒可殺驚人撫點將來未免傷鋒犯手山僧

當時若見只消道箇潑盆潑盆老漢若也知方管取暗裏抽身免見明中落節事到如今且放過一着何故砒霜鳩毒難拈出蜜水糖湯一例澆

上堂僧問一不做二不休時如何師云水底捞明月進云退一步又作麼生師云相逢盡道休官去林下何曾見一人僧禮拜師乃云絕羅籠脫羈鎖雖是善因而招惡果咄老松源與麼說話於唱教門中足可觀光要作臨濟見孫未得在開福莫有長處麼擊拂

子云星河秋一鴈磯杵夜千家
小參一毛穿衆穴衆穴一毛收明明百草頭明明祖

撰述

師意龍睛鶲眼罔測端倪疥狗泥猪虛張意氣五祖和尚云汝等諸人見山僧豎起拂子便作勝解及乎山禽聚集牛動尾巴卻作等閑殊不知櫛聲不斷前旬雨電影還連後夜雷大眾者箇便是金剛圈栗棘蓬若也吞得透得叅學事畢山僧一夏已來不曾與諸人說話今夜向箇裏搖唇鼓舌撒土拋沙撿點將來大似不識好惡衆中忽有忍俊不禁底出來掀倒禪床喝散大眾山僧大展坐具禮他三拜何也莫恠坐來頻勸酒自從別後見君希

上堂舉圓悟和尚示衆云古德道結夏已十一日寒

山子作麼生又有道結夏已十一日水牯牛作麼生山僧卽不然結夏已十一日燈籠露柱作麼生若識得燈籠露柱卽識得水牯牛若識得水牯牛卽識得寒山子脫或擬議老僧在你脚底師云千鈞之弩不爲鼷鼠而發機三大老也是爲他閑事長無明開福結夏已十五日了也堂中兄弟盡是諸方煖了底金總不須問着忽若露柱着衫南嶽去燈籠沿壁上天台狸奴白牯無消息拾得寒山笑滿腮山僧却有箇細大法門爲汝說破下座巡堂哭茶

上堂早間侍者覆上堂山僧病餘要打睡聽得堂前

撰述

法鼓鳴又把眉毛重剔起說張三話李四淨行何曾有些子打殺應知狗不喰何事諸人妄相許喝上堂真淨和尚一日舉教中道不見一法是大過患喝一喝云有什麼過卓拄杖云有什麼患復橫按拄杖云德山棒臨濟喝舉世何人解提掇天高地迥萬象閑總是僧家好時節擲下拄杖云是什麼時節喝一喝下座老真淨可謂知時識節善說法要揀點將來不免大驚小恠所以開福尋常不要捏恠拈拄杖云大眾還見麼若道見見箇什麼若道不見卻是諸人捏恠靠拄杖云見恠不炷其恠自壞下座

上堂僧問摩竭掩室意旨如何師云打破天關掀翻地軸進云毗耶杜詞又作麼生師云一狀領過進云不涉二途如何舉唱師云蛇無頭不行進云與麼則出他古人圈續不得師云你喚什麼作古人圈續僧提議師便打乃云摩竭掩室毘耶杜詞打破天關掀翻地軸山僧與麼答話已是屈辱先宗汝等諸人擬更踏步向前未免畫蛇添足喝一喝云叅堂去上堂好箇中秋節莫言無供養風吹丹桂華清香滿天上諸人眼裏也飽耳裏也飽鼻裏也飽只恐肚裏不飽若得肚裏飽去則不疑佛不疑祖不疑天下老

撰述

古文真言卷之二

和尚拈出袖裏金鎰打開光明寶藏不涉凡聖路岐
便是渡河香象喝一喝

祖忌拈香碧眼胡尊性急一語不投機闔國追不及
少林面壁弄盡精神只消斷臂師僧三拜而立伎倆
既盡心事亦休隻履西歸空棺示跡後代兒孫充滿
中國莫不向今日燒牛頭栴檀之香具酥酪醍醐之
食用伸追遠用報恩德正眼觀來何異捧漏卮以灌
焦釜而終莫能濕所以開福比丘蒸雲門胡餅烹趙
州釀茶雖然禮貌粗疎畢竟臭味相入

上堂僧問掬水月在手時如何師云弄花香滿衣進

云和尚因甚麼攬行奪市師云闍梨莫曾到此間麼
進云學人不敢造次師云大似不相識僧禮拜師便
打

僧問雲門如何是雲門一曲門云曠月二十五師云
大小雲門盡力只道得者裏今夜忽有問如何是開
福一曲只對他道明日是新年且道與古人是同是
別聽取一頌曠月二十五一曲喧今古明日是新年
袈裟搭半肩同不同別不別珊瑚枝枝撐着月久立
元宵進退兩序上堂十五日已前明中有暗十五日
已後暗中有明正當十五日明暗雙忘體用俱寂譬

撰述

西堂禪印前集卷之三

如千燈洞照一室光光交羅各不相借且道是知事
 分上事頭首分上事諸人分上事莫有道得底麼拈
 拊杖卓一下云樵螟曉上放元宵狸奴倒上菩提樹
 上堂僧問天不能蓋地不能載時如何師云闍梨得
 自由僧禮拜而出師云依稀越國彷彿揚州復云天
 不能蓋地不能載依稀越國彷彿揚州打開布袋隨
 流入流今朝有酒今朝醉明日無錢明日求拍禪床
 下座

上堂舉雲門問踈山如何是法身邊事山云枯椿又
 問如何是法身向上事山云非枯椿門云還許學人

說道理也無山云許門云枯椿豈不是明法身邊事
 山云是門云井枯椿豈不是明法身向上事山云是
 門云只如法身還該一切否山云爭得不該門指爭
 餅云法身還該者箇麼山云閻梨莫向淨瓶邊會門
 便禮拜師云雲門也善切磋琢磨若不是踈山老漢
 幾被打破蔡州今日忽有問山僧如何是法身邊事
 壩脊便棒若更問如何是法身向上事便與連夜趕
 出非唯坐斷天下人舌頭且免得靈利衲僧向枯椿
 邊着到

上堂真不掩僞曲不藏直一句截流萬機寢息枯拄

撰述

杖卓一下云寒山拾得

音序

出非學坐讀天王入舌頭且發持雲牀師曾道

說者騎糞未更問吸油且是泉向土車貿與頭

說者作綠茶供今日忘音山幹吸雲火候

南堂浙江寧波府慈溪縣沙門明默捐衣鉢數刻

南堂了菴禪師語錄第二卷願早生淨域者

松陵天食張雋對稿金陵蔣淨榮刻

崇禎七年甲戌佛成道日姑蘓兜率園謹識

南堂了菴禪師語錄卷之二 終

南堂了菴禪師語錄卷之三

參學比丘可興、文康等 編

明後學沙門兜率明聞重閱

住嘉興路本覺禪寺語上

元統元年臘月二十六日入寺指山門云門門有路
達者猶迷捩轉天關是誰知有喝一喝

佛殿性覺妙明本覺明妙脫郤鶻臭衫卸下臘脂帽
據室橫按拄杖云有正偏不犯底手具啐啄同時底
用總須列在下風卓拄杖喝一喝
山門未入門來有一句子旣到者裏半字全無畢竟

撰述

南華神龍詩錄卷之三

如何蘇盧蘆蘆

指法座云高步毘盧頂不稟釋迦文是你諸人常行
 三昧山僧曲順時宜和泥合水去也遂陞座拈香祝
 聖罷就座上首白椎云法筵龍象衆當觀第一義師
 云第一義諦非智所知一椎擊碎徧界流輝格外明
 宗出衆相見僧問突雲雛鳳應昌時炳霧文彪百世
 師格外有機提祖令好風先發嶺南枝爲國開堂願
 聞祝贊師云瑞氣逢嘉運靈苗觸處生進云萬歲山
 頭松不老千秋凋底水長清師云須彌頂上擊金鐘
 進云祝聖已蒙師指示向主宗乘事若何師云三歲

孩兒抱華鼓莫來攔我毬門路進云不因楊得意爭
 認馬相如師云三生六十劫復有僧出師喝云問話
 且止只知問禪問道要且不知問頭來處且道問頭
 從什麼處來豎起拂子云還見麼山僧拂子變作釋
 迦世尊起道樹詣鹿苑轉四諦法輪然後周旋三百
 法會乃至多子塔前以實相無相微妙法門付囑摩
 話迦葉傳付將來無令斷絕能事既畢還復本形大
 衆若喚作拂子又是釋迦若喚作釋迦又是拂子若
 道拂子便是釋迦釋迦即是拂子未免顛頽佛性罷
 問真如且作麼生分得去若分得去便可提祖師印

撰述

駕鐵牛機或則先照後用或則先用後照或則照用
 同時或則照用不同時要識先照後用麼如蛇有角
 要識先用後照麼似虎無齒要識照用同時麼背負
 須彌肩橫日月要識照用不同時麼掀翻地軸踏斷
 天關喝一喝便與麼隔關山不與麼絕遮攔四海五
 湖皇化裏吾家曲子萬年懼擊拂子復舉保壽開堂
 三聖推出一僧保壽便打三聖云與麼爲人瞎郤鎮
 州一城人眼去在保壽擲下拄杖便歸方丈師云用
 弔箭機發千鈞弩固是兵隨印轉將逐符行且畢竟
 成得什麼邊事拍禪床云天南并地北一舉一時收

小叅僧問承師有言未入門時有一句子畢竟是什
 麽一句師云盡力吐不出進云旣到者裏因什麼半
 字全無師云相逢自有知音知何必清風動天地進
 云遠離中山來赴本覺作麼生是不動尊師云嗟汝
 在途經日久思量未曉郤沈迷進云豈無方便師云
 任從滄海變終不爲君通進云將謂少林消息斷一
 華重綻劫前春便禮拜師乃云萬仞崖頭通一線佛
 手未收驢脚現平田放出焦尾蟲那吒眼開菩薩面
 所以道機輪轉處作者猶迷正令當行十方坐斷直
 得你面前無我我面前無你自然聲和響順形直影

撰述

南華經解卷之三

端敲唱雙行王賓道合又說甚麼雲月是同溪山各異要知坐斷天下人舌頭只消無舌人解語驀拈拄杖云拄杖子走遍四天下氣宇如王因甚到山僧手中郤與新婦見阿家相似還會麼龍吟霧起虎嘯風生卓拄杖一下復舉風穴初參南院問云入門須辨主端的請師分院以左手拍膝一下穴便喝院以右手拍膝一下穴又喝院舉左手云者箇且從闍梨又舉右手云者箇作麼生穴云瞎院拈拄杖穴云作什麼倒奪打和尚去莫言不道院擲下拄杖云今日被黃面浙子鈍置一上穴云大似持鉢不得詐道不饑

院云上座莫曾到此間麼穴云は何言與院云好好相借問穴云也不得放過院云且坐喫茶精金耀冶正要鉗鎚赤驥追風豈資鞭影是佗南院末上太殺傷慈直到下梢分疏不下本覺者裏設有人問入門須辨主端的請師分便與連夜趕出何故當門不用栽荆棘免被人來惹著衣久立

小參僧問有物先天地無形本寂寥能爲萬象主不逐四時凋且道是什麼物師云杲日當天盲人摸地進云爭奈頂門上輝大寶光脚跟下縱橫十字師便喝僧亦喝師云我喝汝亦喝僧無語師云放過一著

撰述

乃云年窮歲盡黃梅石女子母團圓日往月來少室
 鐵牛嘗甘水草領南獮獠唱巴歌聲聲總是無生調
 好大眾九衢人靜大野風清燈籠與露柱爭光耐重
 對金剛跨跳也無玄也無妙快活須明者一竅擊拂
 子云昨日街頭賣杏華一年春事都來了喝一喝
 上堂新年換舊年打破又完全衲僧雖不薦鼻孔已
 遼天看看蟬螟睫上放夜市大蟲舌上打鞦韆喝
 上堂顧視大眾云會卽便會不會便休剔起眉毛白
 雲萬里便下座歸方丈侍者云何不更道取兩句師
 便掌云識甚好惡

元宵進退兩序上堂以字旣不成八字亦不是侍者
 叢得禪畢竟誰相委三脚驢子弄蹄行八臂那吒鬧
 不住覺皇殿上慶賞元宵妙觸宣明成佛子住擊拂
 子云相逢不飲空歸去洞裏桃華解笑人復舉藥山
 謂雲巖云與我喚沙彌來巖云和尚喚佗作什麼山
 云我有箇折腳鐺子要伊提上挈下巖云與麼則與
 和尚共出隻手應菴和尚云藥山道頭雲巖知尾雖
 然頭尾兩全要且不識羞恥師云老應菴只知其一
 不知其二然儉生不孝義出豐年彼時藥山一箇折
 脚鐺子只消雲巖提上挈下已自有餘較之本覺今

撰述

古文選

日若非兩班賢佐協力扶持便見灰寒火冷以故不蓄莖蠶粒米直教來者飽齁齁地去豈不出佗古人還委悉麼雪後始知松柏操事難方見丈夫心上堂袖裏金椎一擊開大千沙界絕纖埃祖師不會渾閑事直往流沙去不回乃高聲喚云來也來也大衆擡首師云僧堂覲破香積厨螭吻咬殺佛殿脊上堂舉圓悟與佛燈過溪次驀將佛燈推向木中便問牛頭未見四祖時如何燈云潭深魚聚見後如何燈云樹高招風見與未見時如何燈云伸脚在縮脚裏師云佛燈得卽得未免帶水拖泥圓悟高則高爭

奈使心用行雖然不入驚人浪難逢稱意魚

上堂舉松源和尚示衆云古者道拈起也天回地轉放下也草偃風行冶父則不然拈起也乾坤黯黑放下也瓦礫生光忽有一箇半箇蓦然散瞎頂門達磨一宗未至寂寥在師云老松源只見錐頭利不見鑿頭方壽山卽不然拈起也南山起雲放下也北山下雨不拈不放時如何三級浪高魚化龍癡人猶肩夜塘水下座

報國希白和尚計至上堂未達境惟心起種種分別達境惟心已分別則不生於不生法中獨露本來面

撰述

目直是離相離名絕對絕待破塵破的透色透聲故我報國和尚得此三昧兩處住山單傳正印掃除邪解扶樹此宗能事既畢撒手那邊未後全提甚生光彩且道與佗摩胸告衆榔示雙趺是同是別拍禪牀云羚羊掛角千峯上更有羚羊在上峯

解夏小參昔本不曾結今也何須解解結本無心無縛無脫者恁麼恁麼森羅萬象徹底孤危大地山河通上嶮峻不恁麼不恁麼大陽門下日日三秋明月堂前時時九夏恁麼中有不恁麼不恁麼中卻恁麼一切智通無障礙拈燈籠來佛殿裏將山門安燈籠

上敢問大眾九十日內還得相應也未其或未然山僧卻有箇方便葛拄杖卓一下云西風一陣來落葉兩三片

復舉明招行脚時到泉州興教坦和尚處坦上堂云行脚高士一人所在亦須到半人所在亦須到明招便問一人所在卽不問如何是半人所在坦無語後來郤令小師問明招如何是半人所在招云你要識半人所在麼也只是箇弄泥團漢應菴和尚拈云我聞獨眼龍果然只具一隻眼今日忽有衲僧問如何是半人所在劈脊便棒更問如何是一人所在便與

撰述

趕出何故一不做二不休師云等是弄泥團漢應菴老人較些子復成一頌舉似大衆興教提持不受設明招隨例弄泥團棒頭有眼明如日要識真金火裏看

上堂僧問洞山云秋初夏未東去西去須向萬里無寸草處去意旨如何師云渾鋼打就生鐵鑄成進云只如石霜聞云何不道出門便是草又作麼生師云一箇研郎當一箇福建子師乃云十五日已前透底金剛圈十五日已後吞底栗棘蓬正當十五日解開布袋口衲子路頭通卓拄杖云有星皆拱北無水不

朝東

中秋客至上堂靈山指月曹溪話月馬祖百丈西堂南泉翫月盤山道心月孤圓光吞萬象光非照境境亦非存光境俱亡復是何物癩馬繫枯椿洞山道光境未亡復是何物黑牛臥死水育王師翁云月在水中撈不上徒勞敲碎水中天夜深山寺開門睡月自飛來在面前用盡自己心笑破佗人口本覺今日中秋靈山上客垂訪適值滿天風雨旣無可修行又無可供餐終不拂袖便行未免相與慙危闌倚曲檻推出手面一輪直是清光萬里三關不立開鑒人天四

句頓除光揚祖道擊拂子云入萬四千非鳳毛三十
三人入虎穴

上堂僧問如何是佛師云面前案山子進云法卽不
問如何是僧師云三頭兩面得人憎僧禮拜師卻問
云如何是法僧云明年更有新條在惱亂春風卒未
休師云泊不問過師乃云相逢不拈出舉意便知有
撥轉上頭關大作師子吼展開驢脚伸出佛手握金
剛椎碎窠臼東土西乾何似生箇箇看來日中斗
冬至小參僧問陰極陽生則不問祖師門下事如何
師云石笋抽條長丈二進云牛頭未見四祖時如何

師云華陰山前百尺井進云見後如何師云祝融峯
頂萬年松進云去此二途願聞法要師云休將閑學
解埋沒祖師心師乃云前佛性命後佛紀綱總在者
裏把住則六陰充塞放行則一陽復生不說笋逆石
頭不說華閒鐵樹只教行者擊鼓小參且免諸人大
家瞌睡委悉麼眼若不瞎諸夢自除心若不異萬法
一如拈須彌山秤作二兩東頭賣賤西頭賣貴任是
本色衲僧到此也無辯處豈不見臨濟問黃檗佛法
的大意三度被打六十拄杖及至高安灘上便解
知歸興化道我在南方行脚一遭拄杖頭未嘗撥者

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

撰述

南堂禪師傳

一箇會佛法底逗到大覺堂前卸下衲衣痛領一頓
卻言我於此時親見臨濟先師在黃檗喫棒底意旨
諸禪德全鋒敵勝未是作家遺劔刻舟豈堪持論雖
然若不藍田射石虎幾乎悞殺李將軍

上堂南泉斬猫趙州戴草鞋而出興化法戰克賓設
饋飯便行是皆發揮本有靈光要且不借別人鼻孔
出氣所以前日首座說法高聳人天今朝道伴相過
光揚宗眼且道山僧鼓兩片皮成得什麼邊事拍禪
床從前汗馬無人識只要重論蓋代功

臘八上堂二千年前正覺山前明星現時釋迦世尊

成等正覺二千年後本覺山中明星現時我此一衆
成箇什麼喝一喝覺卽了不施功定慧圓明不滯空
東澗水流西澗水南山燒炭北山紅
上堂一大藏教是箇切腳畢竟正文無人道着你要
識正文麼上大人丘乙已化三千七十士尔小生八
九子佳作仁可知禮也衆中忽有箇衲僧出來道恁
麼提唱實謂聞所未聞山僧不免分付維那明窓下
安排忽若更道恁麼提唱料掉沒交涉山僧亦不免
分付明窓下安排何故直鉤鉤鯨鰐曲鉤鉤龜鼈金
雞啼上玉闌干別有佳聲繼前哲喝一喝

撰述

南宮子

秀峯長老募緣建塔至上堂舉玄沙侍雪峯行次峯
指面前云者一片地好造箇無縫塔沙云高多少峯
顧視上下沙云人天福報不無和尚若是靈山授記
未夢見在峯云爾又作麼生沙云七尺八尺師云一
人平地上掘坑一人虛空裏釘板後來琅琊云家肥
生孝子國霸有謀臣師云隨風倒柁漢今日秀峯長
老正要造箇無縫塔遠遠過我不免贈箇塔樣良久
云會麼高而無上廣莫可極淵而無下深不可測浩
浩波光重重山色一道清虛亘古今八面香風惹衣
祿擊拂子下座

上堂一喝分賓主三玄辨正宗祖師門下客無處不
融通只如道毘盧藏中有大經卷量等三千大千世
界書寫三千大千世界中事藏在一微塵中只者一
塵從甚處得來良久云南天台北五臺便下座

清明上堂冬至寒食一百五今朝正是三月六山又
綠水又綠一聲欸乃漁家曲山僧昨日偶爾郊行作
得一偈舉似大眾華冠不整舍那衣禿帚還隨破畚
箕五箇老婆三箇醜一雙紅杏換消梨下座

上堂僧問舉一不得舉二放過一着落在第二時如
何師云懷州牛喫禾益州馬腹脹進云雲門扇子跨

撰述

南華禪師詩錄卷之三

跳上天築著帝釋鼻孔東海鯉魚打一棒雨似盆傾
 又作麼生師云西川斬畫像陝府人頭落僧禮拜師
 乃舉五祖演和尚云諸莊旱澇不以爲憂一堂兄弟
 不會狗子佛性話深爲可憂師云重處偏墜松源和
 尚云久聚兄弟正路行者有只是不能用黑豆法難
 以荷負正宗佛法到此平沈苦屈師云同坑無
 異土克由卧耐二大老把他諸人埋向萬仞坑裏若
 捷山僧見處黑豆法有甚難用僧問洞山如何是佛
 山云麻三斤豈不是黑豆法僧問雲門殺父殺母佛
 前懺悔殺佛殺祖什麼處懺悔門云露豈不是黑豆

法乾峯示衆云舉一不得舉二放過一著落在第二
 雲門出衆云昨日有人從徑山來郤往天台去峯云
 典座明日不得普請豈不是黑豆法者裏悟去山僧
 性命在諸人手裏若也蹉過諸人性命郤在山僧手
 裏卓拄杖云路遙知馬力歲久見人心

上堂前半夏已去後半夏未來正當今日謂之中夏
 大衆過去已往未來未至卽今事作麼生莫是二邊
 俱莫立中道不須安麼者般說話是你諸人嚼過底
 殘羹剩飯因什麼授著十箇五雙鼻孔索頭在别人
 手裏且道利害在什麼處一翳在眼空華亂墜

撰述

南堂禪印記卷之三

上堂僧問牛頭未見四祖時如何師云處處綠楊堪繫馬又問見後如何師云家家門首透長安進云見與未見時如何師云鮎魚上竹竿俊鵠趕不及僧禮拜師乃云豁開解脫門普請大家入鮎魚上竹竿俊鵠趕不及便下座

上堂今朝六月十五準擬說些禪道及平法鼓一鳴壯裏一時忘了只記得慈明和尚云南山北嶺松北嶺南山草一雨潤無邊根苗壯枯槁好大哥三百法會之中會會說到者裏自是後代兒孫根思遲回當面蹉過別別茫茫普熱紛紛下雪引得學語之流隨

例掉棒打月喝一喝下座

上堂拈拄杖顧視大眾云眼中見色耳裏聞聲圓通門戶觸處施呈你擬向箇裏覓什麼益以拄杖趕散有僧云和尚自有禪只不爲我說又云不是說不得自是不肯說師聞云把定死蛇頭有禪不肯說滅卻臨濟宗何人敢饒舌別別那吒頂上喫蒺藜金剛腳下流出血

上堂僧問說法不應機總是非時語作麼生得應機去師云夜半起來失卻牛天明起來失卻火師乃云百不知百不會天上人間豈堪對見得徹提得去吉

撰述

了舌頭三千里金不博金水不洗水夜來月上長珊瑚
猢猻奴倒上菩提樹

浙江嘉興府秀水縣報忠寺沙門道恒刻
南堂了菴禪師語錄第三卷專仲報薦
先師太月湖鑑和尚古方僕和尚伏願
二覺靈生生見佛聞法同生淨土者
松陵天食張雋對稿金陵蔣淨榮刻
崇禎八年乙亥二月姑蘇免率園謹識

南堂了菴禪師語錄卷之三終

南堂了菴禪師語錄卷之四

叅學比丘一志元皓等編

明後學沙門兜率明聞重閱

上堂住嘉興本覺禪寺語中
上堂頭上是天脚下是地南北東西依舊位中間突
出須彌盧八寶七珍光輝煥放便倒扶便起蟬螟睫
上放夜市老胡落賺沒人知急攜隻履流沙去喝
小參二千年前有一轉語四月十五日已前與諸人
舉了也所以九十日內只貴見成雖不行棒行喝棒
喝初不離其機雖不說證說脩證豈足究其用直

撰述

得盡乾坤大地如箇鐵櫃子拋來擲去轉換自由今夜與汝脫却籠頭別資一路豈不見洞山和尚云秋初夏末東去西去須向萬里無寸草處去未後最殷勤石霜云出門便是草截斷腳跟雖然如是還知落處麼拍禪床云晝見日夜見星妙高山色青又青掀翻海獄求知已撥亂乾坤見太平上堂僧問如何是通宗通途師云東去西去進云如何是叶帶叶路師云南來北來僧退師乃云世界恁麼廣闊因什麼坐在者裏動不得拈拄杖云東去西去南來北來金色尊者獨上高臺卓拄杖下座

病起上堂昨日病前日病病相尋無有自性坐斷淨名舌頭倒行摩竭正令擊拂子野狐窟裏產猿狔猕猴各佩軒轅鏡中秋上堂久矣不上堂口邊生白醭侍者來燒香請法拈出秦時舊轆轤金剛腦後下一錐空裏磨盤生八角寒山撫掌笑呵呵夜來月向西邊落喝一喝重九客至上堂兩兩不成雙三三自成九本色住山人何處尋窠臼卓拄杖云離四句絕百非驢前馬後莫亂針錐上堂摩竭掩室毘耶杜詞咬定牙關不通水泄本覺

撰述

南宗禪語錄卷之四

者裏但晉飢來喫飯困來打眠熱則取涼寒則向火
今朝十月初一早間喚奴子深開地爐滿堆黃葉方
外高人到來且貴大家暖熱只如丹霞燒木佛因什
麼院主眉須墮落請大眾下一轉語

上堂舉一不得舉二放過一著落在第二相罵饒你
接觜相噏饒你潑水南泉斬猫作麼生良久云人貧
智短馬瘦毛長

上堂僧問蟻螟蟲吞郤虎時如何師云賞你大膽進
云恁麼且退身三步師云章泉福建頭匾似扇僧擬
議師便打云一任舉似諸方乃云一法若有毘盧墮

在凡夫萬法若無普賢失其境界金圈栗棘覩面施
呈擔板阿師水中擣月五祖和尚云山僧有時擬爲
你吞郤又爲咽喉小擬爲你吐郤又爲牙齒礙還有
爲人處也無喝相逢不在頻頻舉達者須知暗裏驚
上堂舉一明三目機銖兩萬仞峯頭衝開雪浪乾闔
婆王奏樂山河大地盡作琴聲直得須彌岌業海水
波騰迦葉起舞世尊證明是你諸人因什麼一向瞌
睡喝一喝下座五

上堂卽色明心附物顯理驢作驢鳴犬作犬吠三世
諸佛不知有六代祖師不知有建立半滿偏圓掃除

撰述

權實空有水底藏身被火燒——面南看北斗卓拄杖
開山忌上堂平地上死人無數過得荆棘林是好手
今朝三月十五正是夏前秋後饒你不住兩頭當處
也成窠臼拈拄杖卽今慧禪師向拄杖頭上吹無孔
笛鼓沒絃琴非唯憂玉鏗金直是移星換斗卓拄杖
喝一喝

上堂師子吼無畏說百獸聞之皆腦裂香象奔波失
卻威天龍寂聽生欣悅左擊拂子云者箇不是師子
吼右擊拂子云者箇不是無畏說諸人耳在一聲中
一聲徧在諸人耳不是寂聽生欣悅恁麼恁麼卷舒

立方外乾坤不恁麼不恁麼縱橫掛域中日月恁麼
中有不恁麼不恁麼中却恁麼下座詣大佛殿啓建
天壽聖節

上堂僧問國師三喚侍者意旨如何師云老不歇心
進云國師因甚郤道將謂吾孤負汝元來郤是汝孤
負吾師云頭上著枷脚下著杻進云伯牙與子期不
是閑相識師云矮子看戲僧禮拜師乃云三界無法
何處求心掀翻藏海別闡玄音諸方按牛頭喫草者
裏行自己叢林不說負吾負汝不說照古照今只貴
一念相應自然萬境平沈五祖和尚云如馬前廝撲

撰述

西堂禪師語錄卷之四

如辟歷閃電會卽大富貴不會空對面喝一喝

浴佛上堂大眾還見釋迦老子麼未離兜率滿面塵埃旣出母胎通身泥土饒你山河大地草木叢林盡爲衲僧一一衲僧有無量杓一一杓中有無量香水海直從今日洗至窮刦還得淨潔也無者裏眼親手辨倒轉杓頭便見垢相永離十方清淨其或未然釋迦老子有沒量罪過山僧有沒量罪過不干諸人事下座

上堂本覺今朝結夏爲汝約法三章一者日裏一餐二者夜間一寢三者山門頭佛殿裏東行西行不得踏破常住摶卓拄杖下座

僧云堂中有數人兄弟舉皓布褪法身頌各人下語未審契得師意也無師云好箇消息且舉看僧一舉了師云相罵餚你接觜相噏餚你潑水要會法身頌更參三十年僧云卽今問底是法身是色身師云驢前馬後漢僧便喝師云驢前馬後漢亂呴喚作什麼便打出

室中問僧云道得也打道不得也打僧擬議師便打復問僧云你道好打麼僧擬開口師便打出復問僧云適來打得者兩箇僧是麼僧云是師亦打出

撰述

上堂顧視大衆云便與麼休得也未衆擬議便下座
上堂一葉落天下秋是人知有一塵起大地收置而
不問騎却聖僧踏倒水潦是第幾機卓拄杖云龍生
金鳳子衝破碧琉璃

小參萬里無寸草出門便是草嘉州大像驀翻身陝
府鐵牛驚絕倒逢人不出賣狗懸羊打破鏡來天荒
地老是則金沙混雜非則玉石俱焚不有本分鉗鎌
難明向上一窺卓拄杖云一曲少林無孔笛從來多
是逆風吹

進退頭首上堂宗門中有四種賓王臨濟大師已嘗

點出若也腳未跨門一一辨得非唯不久當作唱導
之師抑且不繆爲吾家種草其或奴郎不辨玉石不分
要稱衲僧未得在豈不見忠國師睡次丹霞適至
乃問侍者耽源云國師在麼源云在卽在只是不見
客霞云太深遠生源云莫道土座佛眼也覩不見霞
云龍生龍子鳳生鳳兒遂去國師睡起源舉似前話
國師打二十拄杖趨出丹霞聞云不繆爲南陽國師
喝一喝云不解作客勞煩主人雖然不因夜來鴈爭
見海門秋

上堂藥山久不上堂院主椎鐘擊鼓分明盡底掀翻

撰述

猶道一詞不措本覺據令提綱不作者般調度今朝
月旦拈香撥開向上一路誰言射虎不真枉發千鈞
之弩

九日上堂三四五六七八九碧眼胡僧不知有三更
收得夜明符天曉起來成漏逗籬下黃華爛熳開龍
山落帽霑風埃令人長憶龐居士天上人間不可陪
阿呵呵會也麼若也不會山僧更道兩句去也石頭
一箇任山斧古往今來稱獨步馬師胡亂三十年誰
道少鹽還少醋喝一喝

其五又與不戰王五不

祖忌拈香西天著不得東土著不得破六宗謾有多

言對梁王全無朕迹坐久成勞忽轉身春風滿地華
狼藉

舟中值冬至小參一道虛明總是自家田地初爻旣
兆全彰刲外乾坤無去來動靜之殊無取舍是非之
異可以騎聲蓋色可以隨流入流可以泛華亭半葉
之舟可以盡澤國煙波之勝不舉任公之釣非同濠
上之遊擊拂子云劈口一橈已傷鹽醋離鉤三十休
更圓頭拍膝云永夜月明天在水鴈聲飛過白蘋洲
臘八上堂深山巖崖有甚佛法冷坐六年全無合殺
豁開正眼定乾坤十方世界阿刺刺喝一喝箭穿紅

撰述

古文書院藏

日影誰是射鵩人

上堂今日要上堂夜來先作夢破的那羅延百發而
百中卓拄杖下座

小叅僧問承言者喪滯句者迷不涉二途如何進步
師云鐵壁銀山萬仞高進云恁麼則瞻仰有分師云
自是不歸歸便得五湖煙景有誰爭僧禮拜師乃云
破顏一笑豈徒然從此靈山有正傳面目見前如薦
得春風不在老梅邊喝寐語作麼

元旦上堂元正啓祚萬物咸新莫有不涉春緣者麼
時有僧出云打鼓弄琵琶相逢兩會家望 關賀正

願聞法要師云入方開壽域一氣轉洪鈞進云不涉
春緣乞師舉唱師云花須連夜發莫待曉風吹進云
如何是德山棒師云義出豐年進云如何是臨濟喝
師云儉生不孝僧禮拜師乃云月生一三世如來從
此出月生二突出如來祖師意月生三森羅萬象競
頭參拍禪床云皇基磅礴三千界寶曆開端億萬年
元宵上堂釋迦老子道一人發真歸元十方虛空悉
皆消殞五祖和尚道一人發真歸元十方虛空築著
磕著若向築著磕著處會得只會得祖師禪不會如
來禪若向悉皆消殞處會得只會得如來禪要且未

撰述

南堂禪師語錄卷四

會祖師禪山僧道一人發真歸元十方虛空性相平等且道是如來禪是祖師禪喝一喝云一釋迦二元和三佛陀自餘是什麼益脫丘上堂僧出衆云學人上來擬伸一問師云鵠子過新羅便下座

上堂有一句到你針頭削鐵無一句到你錦上鋪花狗子尾巴書正字野狐窟宅梵王家上堂毘盧頂上一轉語萬象森羅爲君舉昨日三更失却半天明大棒打老鼠喝

上堂僧問佛未出世時如何師云釋迦自釋迦進云

出世後如何師云彌勒自彌勒進云承師有言釋迦不受然燈記畢竟受什麼人記師云自家肚皮自家書僧禮拜師乃云天上天下無如佛十方世界亦無比世間所有我盡見一切無有如佛者釋迦老子塵沙劫前將者一杓惡水潑他先聖及至成佛復受一切人潑所以道假饒經百劫所作業不忘因緣會遇時果報還自受下座

小參見兔放鷹見月忘指大用現前不存規矩須彌山突出諸人額角邊大海水灌入諸人鼻孔裏鏗金戛玉病在膏肓截鐵斬釘猶掛脣齒踞虎頭收虎尾

撰述

第一句下明宗旨人間四百年彼天爲一晝夜彌勒
 大士於一時間成就五百億天子證無生法忍象王
 跳踏非驢所堪雪曲應稀徒勞側耳山中今日結制
 炊無米飯飽不飢人開無礙門示解脫道東方來者
 東方坐西方來者西方坐南方來者南方坐北方來
 者北方坐東方來者燒楓香供養伊西方來者燒餅
 香供養伊南方來者燒檀香供養伊北方來者燒沉
 香供養伊且揔不與麼來時又作麼生拈拄杖敲香
 臺云金果早朝猿摘去玉華晚後鳳銜歸

上堂黃蘖沒伎倆曠濟不唧畱高安灘上多口師未

後爲渠出隻手然雖路見不平也是推門入臼喝
 上堂僧問直指人心見性成佛意旨如何師云胡地
 冬抽筭進云心不是佛智不是道又作麼生師云六
 月黃河連底凍僧禮拜師云大衆記取者僧問頭便
 下座

上堂聞聲悟道見色明心鵠噪鴉鳴風動塵起癡人
 面前不得說夢僧問趙州如何是祖師西來意州云
 庭前柏樹子深山藏獨虎淺草露羣蛇一年一度天
 中節細切菖蒲泛釀茶下座
 滿散青苗上堂佛以一音演說法衆生隨類各得解

撰述

靈山會上退席五千逝多林中半聲半啞眼空四海必有商量心洞十方孰辨真假卓在杖云綠楊陰裏戴嵩牛芳草渡頭韓幹馬喝一喝下座

上堂舉風穴在郢州衙內陞座云祖師心印狀似鐵牛之機去卽印住住卽印破只如不去不住印卽是不印卽是時有盧陂長老出衆云某甲有鐵牛之機請師不搭印穴云慣釣鯨鯢澄巨浸却嗟嗟步蹀泥沙陂佇思穴打一拂子云長老何不進語陂擬開口穴又打一拂子時牧主云元來佛法與王法無二穴云見箇什麼道理牧主云當斷不斷反招其亂師云

焦埠打著連底凍雖然不是盧陂長老爭見得風穴老人不是風穴老人爭識得牧主箇漢拈拄杖云者一隊漢鼻孔眼睛總與穿卻了也是你諸人有事近前無事珍重

小叅方見立冬又是冬至百歲光陰不消彈指間過了是你諸人二六時中還曾恁麼猛省也未盡大地是箇解脫門把手拽不入周金剛據一條白棒佛來也打祖來也打及手撞著一箇毛頭星到來接住與他一送依舊有舌如結有口如啞如今冷地思量者一火魍魎妖精知他是真是假所以本仁和尚示衆

云老僧尋常不欲向聲前句後鼓弄人家男女何故
要且聲不是聲色不是色高懸羊頭賣狗肉時有僧
問如何是聲不是聲也好與一拶仁云喚作聲得麼
渾銅打就生鐵鑄成僧云如何是色不是色矢在弦
上不得不發仁云喚作聲得麼一狀領過又云且道
與你說答你話有人辨得許你有箇入處是何心行
雖然曾爲蕩子偏憐客自愛貪杯惜醉人

冬至上堂一冬二冬叉手當胸逢場作戲遇緣卽宗
打瓦鼓應黃鐘風從虎兮雲從龍下座
臘八上堂老胡三更失卻半天明起來拾得馬從茲

要騎卽便騎到處要下卽便下佛殿上螭吻忍俊不
禁肆口說禪不覺觸著山門頭金剛惡發把耐重子
一摑撞倒金香爐下鐵崑崙踏翻鶯鶯湖不留涓滴
卻向山僧拂子頭上慶讚云佛道慙曠久受勤苦乃
可得成喝云被山僧一喝直得慘懣懾懾依位而立
下座

除夜進退兩序小參天寒歲晚衲衣下事正好提撕
夜暗晝明頂頓神光何妨顯露以之建立化門以之
闡揚宗旨以之布楊岐金圈以之據南泉鉢位以之
凹屋頭春色以之植陰涼大樹以之續照世燈以之

撰述

成佛子住以之撥轉如來妙輪以之揭示衲僧巴鼻
 掏翻海獄誰是知音把斷要津點頭自許一不得有
 二不得無三十三天撲帝鐘八臂那吒擎鐵柱阿阿
 呵釋迦老子與天帝釋相爭佛法甚鬧王老師忍俊
 不禁打二十拄杖趨出是則令不虛行其柰將真珠
 作豌豆糴却本覺雖是死馬醫就中要妙拈拄杖卓
 一下云文殊普賢寒山拾得济狗泥猪者白拈賊喝
 一喝

吳門兜率園弟子釋淨音指衣鉢資敬刻
南堂了菴禪師語錄第四卷願保袈裟堅固

南堂了菴禪師語錄卷之四

南堂了菴禪師語錄卷之五

參學比丘一志元皓等編

住嘉興路本覺禪寺語下

明後學沙門兜率明聞重閱

元旦上堂元正啓祚上馬見路萬物咸新觸處通津
 恭惟頭首大眾雖是死蛇卻要活弄各各道體起居
 萬福師子哮吼象王回旋虎拜稽首天子萬年
 元宵上堂十五日已前明不見暗十五日已後暗不
 見明正當十五日譬如一室中然一燈外懸十鏡燈
 鏡交輝重重無盡喚作境智互融事理俱備不妨奇

撰述

特若約衲僧分上正是抱橋柱澡洗把纜放船有甚
共語處豈不見臨濟會下兩堂首座相見同時下喝
直是賓主歷然若也見得非唯慶快平生光揚宗眼
便可向高高峯頂行船深深海底走馬利効提來斬
萬機將報不平繞天下喝

上堂小盡二十九大盡三十日從頭檢點來今朝二
月一春山疊亂青春水漾虛碧寥寥天地間獨立望
何極老明覺向者裏打開寶藏運出家珍其柰坐在
尊貴中致使諸人當面蹉過喝一喝

無想仲謀和尚至上堂興化接同參傷鹽仍費醋木

覺遇知已目擊而道存棒喝既不施權實將焉措石
上與松根相對意自足爲復古人非爲復今人是到
此休論是與非畢竟古今無二致須彌頂上擊金鐘
下載清風殊未已喝一喝

上堂前佛性命後佛紀綱豎拂子云總在拂子頭上
拈起也風生百谷放下也水肅千江今朝啓建聖節
合作麼生舉唱擊拂子云臥龍纔奮迅丹鳳便翔
上堂舉古德云忍忍三世如來從此盡饒饒萬禍千
殃從此消默默無上菩提從此得慈受和尚云會得
此三種語了好箇不快活漢慈受正是得人一牛還

撰述

人一馬渙水相噏挿觜廝罵卓拄杖云平出平出師
云老慈受雖則一期逞俊未免落賺後人本覺卽不然
三種內三種外土塊泥團南金大貝衲被蒙頭萬事休
他家自有通人愛

上堂春日晴黃鸝鳴大藏小藏鼻孔眼睛木馬嘶泥牛舞壽山不打者破鼓便下座

浴佛上堂釋迦老子未離兜率已降王宮好與三十棒未出母胎度人已畢好與三十棒本覺與麼判斷也好與三十棒釋迦老子過處本覺固自知之本覺過處諸人還知麼良久拍禪牀云攜取詩書歸舊隱

野華啼鳥一般春

上堂一大藏教束之高閣長期短期無繩自縛莫更紛紛紜紜直須洒洒落落揚岐一頭驢只有三隻脚潘闡倒騎歸跌殺黃番綽五味拈來饋秤錘別有香風滿寥廓喝

復舉道吾和尚云高不在絕頂富不在福嚴樂不在天堂苦不在地獄相識滿天下知心能幾人大慧和尚云高在絕頂富在福嚴樂在天堂苦在地獄誰知席帽下元是昔愁人師云二大老一人高高處觀之不足一人低低處平之有餘唱教門中足可觀光若

撰述

約衲僧門下猶欠悟在本覺又作麼生但將飯向無心盤自有人提折脚鐺

上堂五月五天中節不書符不捏訣放教心地坦然平百怪千妖自消滅豈不見文殊一日令善財採藥善財云無不是藥者文殊云是藥採將來善財拈一莖草度與文殊文殊接得示衆云此藥亦能殺人亦能活人天童華和尚云大小文殊被善財換却眼睛大眾應庵老人可使爲百世宗師要且只知其一不知其二山僧道一手不獨拍兩手鳴摶摶擔板禪和氣食牛擡頭只道乾坤窄喝

上堂佛歡喜僧自恣香象渡河截流而去有利無利不離行市拄杖頭邊別有天地卓拄杖喝一喝上堂真諦以言非有俗諦以言非無真俗不二是名聖諦第一義拈拄杖者箇是拄杖子阿那箇是聖諦第一義卓拄杖得之於心伊蘭作栴檀之樹失之於旨甘露乃蒺藜之園

上堂八月秋何處熱達磨老牒胡有語非干舌齧鐵破關斬釘截鐵父子雖親不傳未是神仙妙訣喝上堂眉間掛劍血濺梵天大用現前一椎兩當普化街中木鐸盤山豬肉案頭驀拈拄杖云有時乘好月

不覺過滄洲

源首座至上堂二由一有一亦莫守一心不生萬法無咎首座有長處何須更開口萬仞峯頭把釣竿一掣六龍頻入手松間石上不妨暫且盤桓佛祖位中自是推門入臼大衆還委悉麼豐城寶劍未出匣夜夜寒光射牛斗

上堂僧問佛未出世時如何師云太平本是將軍致進云出世後如何師云不許將軍見太平僧禮拜師乃云九九九釋迦老子不知有翻轉面皮伸出毛手握金剛椎碎窠臼突出無位真人一一面南看北斗

應菴老人一時逞俊未免以己妨人本覺則不然九九狸奴白牯卻知有展開驢脚伸出佛手把住黃絹幼婦放行外甥壘臼鐵鞭擊碎珊瑚枝驚起土星犯牛斗喝一喝

開爐上堂丹霞和尚一日到古寺適值天寒取木佛燒火向院主呵云何得燒我木佛霞以拄杖撥灰云燒取舍利王云木佛安有舍利霞云旣無舍利更請兩尊燒之院主自後眉須墮落山僧當時若作院主待他道旣無舍利更請兩尊燒之便與踏向火中免見千古之下引得一類學語之流隨例道大用現前

不存軌則喝一喝

小參六爻沈伏一氣潛回雖是死蛇解弄也活拈一
機而機機普應用一法而法法全彰廓人天未證之
門揭佛祖不傳之妙浮幢刹外把斷要津賢聖劫中
位居第一有一句到你不萌枝上綠覆層陰無一句
到你無影樹頭花敷五葉別別細不容針大通車轍
缺齒胡僧笑點頭衲僧眼裏添金屑喝一喝

上堂一喝分賓主照用一時行乃喝一喝云是賓是
主是照是用又喝一喝是非已去了—喝沒交涉否
極泰來君子可八

上堂正覺山前明星見時釋迦世尊與大地衆生一
時成佛祖師門下蹉口道著佛字漱口三日前行不
到未後太過各與二十拄杖忽有一箇不顧危亡底
漢出來道本覺與麼判斷也合喫二十拄杖山僧却
須分付明窓下安排何故佛滅二千年此丘少慚愧
上堂正旦值庚申成湯濾日新皇元開鳳曆八萬四
千春

小參僧問蠟人冰鐵彈子卽且置如何是金剛圈栗
棘蓬師云我早知你吞透不下進云豈無方便師喝
云棒上不成龍僧禮拜師乃云舉一不得舉二放過

撰述

開元寺藏書

一著落在第二小叅鼓鳴大衆齊至較之生佛未具
已前豈有若般消息涅槃會上廣額屠兒放下屠刀
立地成佛懸崖撒手自肯承當絕後再蘇欺君不得
所以龐居士道十方同聚會箇箇學無爲此是選佛
場心空及第歸便是者箇消息也後來此庵元和尚
舉到此是選佛場處乃喝一喝時或庵體和尚忽然
打破漆桶便道商量極處見題目途路窮邊入試場
拈起毫端風雨快這回不作探花郎好與三十棒何
故九達公子遊花慣未第貧儒感慨多冷地看他人
富貴等閑無奈幞頭何喝一喝

禮首座至上堂法昌一力撾鼓功臣萬象說禪二老
徐六擔板未免各見一邊本覺虛心閱世一切任之
自然或則逆風把柁或則順水行船總不妨事所以
道寂寥非內寬廓非外寂寥非內也一毫穿衆穴寬
廓非外也衆穴一毫收豈不見趙州會下二僧相推
不肯作第一座主事白趙州州云總教作第二座主
事云教誰作第一座州云裝香著主事云裝香了也
州云戒香定香慧香解脫香應菴老祖云趙州下一
椎不妨驚羣動衆子細檢點將來大似泥裏洗土塊
若是薦福門下不用相推第一座也有人第二座也

撰述

南華經解卷之五

有人第三座也有人雖然不免從頭註過第一座鐵眼銅睛覲不破第二座陽春白雪無人和第三座真實身心同達磨且道與趙州是同是別若也會得許你具一隻眼若也不會也許你具一隻眼有箇衲僧出來道總不恁麼時如何對他道切忌向鬼窟裏作活計隨機應變本分作家製半分三輸他敏手到箇裏政如披圖經而升高臺據王令以蒞萬國非唯收放在我抑且遐邇不遺山僧如斯舉唱要且不是扶他先作簧鼓後人何故面前自有五百衆中老作家爲汝作證還信得及麼擊拂子云棋逢敵手難藏行

琴遇知音不歎彈

上堂山中二三日啓建青苗會開眼與合眼總是法性海三賢固不知十聖何曾會唯有主稼神證此大三昧各乘本願力普應衆生界衆生界無盡此願亦不退稽首毘盧師和南觀自在時有僧出云久嚮本覺元來是箇座主師云你只識箇座主要且不識本覺僧便問如何是本覺師劈脊便棒云烈燄豈容蚊蚋泊擲下拄杖便歸方丈永福穎首座至上堂離四旬絕百非摩訶衍法夢裏提持敢問大眾夢裏覺裏是同是別若也道得個黨

撰述

分明非唯小釋迦無遁形之地便可將鄱陽三百里水面納向鴛鴦湖一滴之中直是不寬不隘無欠無餘還委悉麼驚羣須是英靈漢敵勝還他師子兒小叅秋風涼秋夜長三期已滿作麼商量以字不成八字不是黃牛角指天四腳垂過鼻我首座出世也我首座牧牛也我首座行脚也我首座來也是法住法位世間相當住威音已前道得正是第二句還我第一句來擊拂子云三要印開朱點窄未容擬議主賓分復舉僧問雲門秋初夏末前程忽有人問作麼祇對門云大衆退後僧云過在什麼處門云還我九

十日飯錢來師云者僧貪程太速雲門薄處先穿有
間本覺只向道十里長亭五里短堠過在什麼處勸君更盡一盃酒西出陽關無故人

重陽永福子有和尚歸上堂開甘露門據甘露室令
諸衆生食甘露味永福和尚卽其人也茲者龍歸舊
窟鳳返丹山草木叢林頓增光彩本覺法弟何幸如
之所謂物宜求新人宜求舊無端陳蒲鞋手握赤梢
鯉倒跨三脚驢跳出雲峯破桶檣中揚聲大呌云欲
上座你只見錐頭利不見鑿頭方豈不聞佛法大事
靜退小節山僧被渠一問直得無言可對無理可伸

只記得汾陽和尚道三玄三要事難分得意忘言道
易親一句明明該萬象重陽九日菊花新喝一喝下
座路官馬知事至上堂久雨不晴天道晦冥浸爛鼻孔
滴穿眼睛山僧正是煩惱不暇忽然聽得尚書履聲
呼童掃榻喚僧點燈抵掌劇談半餉悶中不覺惺惺
起來豁開戶牖萬里不掛片雲今朝月望陞高座一
炷清香祝聖君

雞是西堂至上堂雞足峰前風悄然能仁堂下浪枯
天鷲身林過青霄外一曲胡笳奏未圓山僧數日地

離大衆昨晚歸來得與飲光尊者相見旣曰情忘彼
我自然道叶王賓提起陳年葛藤直是牽拽不斷衆
中莫有一刀兩段底麼良久云設有也是草裏漢
小參天地闔闢陰陽消長衲僧門下有甚伎倆放下
拂子拈起拄杖佛來魔來總與一棒從教靈山會上
退席五千善法堂前草深一丈且貴正眼流通作箇
人天榜樣所以五六年來雖則與諸人眉毛廝結其
實水米無交明朝節届書雲不免含水和泥打開東
山家燕先舉雲門胡餅次烹趙州釀茶然後掇出洞
山菓桌只如道有一物上拄天下拄地常在動用中

撰述

卷之三

動用中收不得且道是什麼物良久云粗餐易飽細
嚼難饑復舉僧問風穴古曲無音韻如何和得齊穴
云木雞啼子夜芻狗吠天明大慧和尚云者黃面浙
子恁麼答話要做他臨濟兒孫也未得在或有問徑
山古曲無音韻如何和得齊只向他道木雞啼子夜
芻狗吠天明師云前行不到末後太過要見條理始
終須是金聲玉振聽取一頌木雞啼芻狗吠兩箇老
凍儂各長三尺蒙古曲無音和得齊安用兒孫作臨
濟喝一喝

上堂節序推遷又見一陽來復靈光洞耀依然體露

真常撥開向上玄關突出眼睛鼻孔釋迦彌勒猶是
他奴且道他是阿誰擊拂子云嶺梅殘雪後雲鬟未
梳時

小叅去年臘月三十日今年臘月二十九少處不減
多不添年去年來總仍舊舊者不去新不來新舊何
妨自前後所以道礙處非牆壁通處勿虛空若能與
麼會心色本來同喝止止不須說我法妙難思諸增
上慢者聞必不敬信喝當時五千比丘禮佛而退豈
不是皮下有血眼裏有筋豈似如今諸方三百五百
聚面團頭如勾闐瓦子相似黑漆柱杖到者裏有岳

撰述

南宮子集卷之三

無畔處衆中莫有滴覩血化驢乳煎鸞膠續斷絃者
麼良久卓拄杖空將未歸意說與欲行人喝一喝
復舉鴻山示衆云如許多人只得大機不得大用仰
山乃舉似山下一庵主云只如和尚恁麼道意旨如
何菴主云你再舉看仰山擬舉被菴主一踏踏倒仰
山歸舉似鴻山山呵呵大笑師云鴻山老漢垂萬里
勾駐千里烏駢卻向平田淺草中抹住一箇焦尾大
蟲諸人要識仰山麼也是官路販私鹽久立

元宵南山和尚至上堂盡法界是一真燈徧塵區是
一佛刹靈利漢一踏踏翻非唯可以觀光上國獨步

大方便乃控佛祖宏機廓人天幽跡好大衆頭峭五
嶽眼生三角左刮龜毛右截兔角焦尾忽乘雲雷飛
金毛亂觸日月落月裏仙人巧畫眉九達擺動黃金
鐸喝一喝

小參長期短期呂面月面一毛端上乾坤石火光中
閃電你有拄杖子與你拄杖子你無拄杖子奪却你
拄杖子人平不語水平不流山僧三十年前海上參
尋只是遇茶喫茶遇飯喫飯寒則向火熱則取涼朝
悠悠暮悠悠不知白盡少年頭逗到被人推出住山
把人杓柄寧免顛預籠侗有時半夜穿針有時空中

撰述

南堂禪師語錄卷之五

覓縫若非現前尊前戮力贊成便見將東作西指南爲北草滿法堂苔封古屋所以今夏堂中兄弟雖曰不多盡是諸方羅籠不住呼喚不回底漢掃除異見稠林拈卻佛病祖病那更永福禪師在此輔車與脣齒相似卓拄杖云一曲少林無孔笛逆風吹了順風吹

上堂元正改旦一句全提萬機休罷千聖不攜紫煙籠帝闢睿筭與天齊
元宵上堂若論此事正如一燈分爲千燈燈燈相續無有窮盡在東則爲知事在西則爲頭首在方丈則

爲住持在閑寮則爲耆舊至於三條椽下七尺單前經行坐臥卷舒出沒莫不以此燈而爲佛事一明一切明一用一切用重重主伴歷歷交參無黨無偏無新無故只貴見成受用到頭不涉安排任是疥狗泥猪少他一分不得擊拂子一氣不言含有象萬靈何處識無私

吳門兜率園弟子釋淨遵捐衣鉢資裝刻
南堂了菴禪師語錄第五卷願保袈裟堅固
松陵天食張雋對稿金陵蔣淨榮刻
崇禎八年乙亥三月姑蘓兜率園謹識

南堂了菴禪師語錄卷之五

撰述

南堂了菴禪師語錄卷之六

南堂了菴禪師語錄卷之六

參學比丘祖運志道等 編

明後學沙門兜率明聞重閱

住平江路靈巖禪寺語上

師於至正五年七月十一日入寺指山門云撥開向上關掃蕩聖凡敵萬古乾坤一朝風月

佛殿世尊三昧迦葉不知一會靈山儼然猶在
擬室此是從上老宿烹佛煉祖燬聖鎔凡之地新長
老平高就下舍窄從寬且放你諸人吐氣
拈院疏權衡在手與奪臨時政化宣流風行草偃

撰述

南宮福師言錄卷之二

拈江湖疏鐵心石腸河舌海口贊之則碓觜生華毀之則佛面百醜贊毀不及處面南看北斗

指法座云大衆還見麼須彌頂上闊著步大千刹海清風起便陞座拈香云此香結爲寶絲網散作光明雲蒸向寶爐祝延今上皇帝聖躬萬歲萬歲萬歲萬歲恭願文明齊北極睿筭等南山次拈香云此香遇賤則價重娑婆遇貴則分文不直爇向爐中奉爲前住保寧古林大和尚用酬法乳之恩歛衣就座上首白椎云法筵龍象衆當觀第一義師云若論第一義法鼓未鳴人天未集已前見得猶虧一半何況一椎擊

碎影跡不留苟非具眼衲僧未免喚鐘作龕莫有定當得出者麼時有僧出衆云祖師心印鐵牛機直要當陽決是非第一峯頭垂隻手塵塵刹刹盡知歸爲國開堂願聞法要師云萬人遐仰處紅日到天心進云一統乾坤歸聖化萬人叢裡奪高標如何是出世邊事師云橫按鎮鉀全正令太平寰宇斬癡頑進云如何是三世諸佛不知有師云一字不著畫進云如何是狸奴白牯卻知有師云古錦寫回文進云千聖不傳真妙訣灼然能有幾人知便禮拜師云且莫詐明頭師乃云石門蠻險鐵關牢舉目分明萬仞高四

撰述

0 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

十年中重到此始終不隔一絲毫好大衆湛湛湖光
 平開鏡面青青山色上挿雲霄乃智積應現之方誠
 圓照嘉道之所繼茲芳躅實愧非才不免向普賢毛
 孔寬著程途維摩掌中拓開世界直教四聖六凡重
 重普會風不鳴條雨不破塊天清地寧時人道泰報
 不報之深恩揚不揚之教化拈起鐵蒺藜驪珠盡擊
 碎千古萬古黑漫漫填溝壑無人會喝一喝
 小參只者是只者是金不博金水不洗水是句亦刻
 非句亦剗揭開萬里神光提出倚天長劍三登九到
 滯殺迷封撩起便行白衣拜相山僧今者椎碎蟠桃

核得見舊時仁拽將師子峯與天平山鬪且貴大
 家知有自餘七十三八十四癩馬繫枯椿黑牛臥死
 水有甚共語處拍禪床云好雨洗將殘暑去涼風吹
 得早秋來復舉僧問雲門佛法如水中月是否門云
 清波無逐路僧云和尚從何得門云再問復何來僧
 云便與麼去時如何門云重疊關山路師云雲門善
 舞太阿著著有出身之路這僧貪觀白浪失卻手橈
 靈巖不惜眉毛與汝拈卻水除卻月還見佛法麼喝
 一喝久立珍重今傳小日本又向雲是山頭

撰述

玄口不開便與麼去可殺省力山僧四月十五日在萬壽山中結夏今朝七月十五日又向靈巖山頂解夏然雖有解有結畢竟無去無來冥通三際非中非外洞徹十方以此發揮祖道以此建立宗乘以此成就冕尼以此弘範三界是你諸人還見山僧麼拈拄杖卓一下云莫恠渠儂多意氣他家曾踏上頭關

上堂舉松源和尚云目前無法意在目前不是目前法非耳目之所到葛拈拄杖云切忌認驢鞍橋作阿爺下領雖然如是有時乘好月不覺過滄洲師云三

咬不見骨一舉四十九喫飯了啞眠幾箇能知有所以山僧尋常與諸人眉毛廝結只是未曾道著箇不字何故卓拄杖云禍不入謹家之門上堂道由心悟豈假外求法離見聞言詮罔及三世諸佛只可自知六代祖師全提不起山僧今日不是峴山師兄到來又安敢妄通消息卓拄杖云客來無茶點蒿湯備禮儀

撰述

南堂詩集卷之二

上有無位真人常在汝諸人面門出入未證據者
 看看時有僧出濟便擒住云道道僧擬議濟便拓開
 云無位真人是什麼乾屎橛殺人刀活人劍乃上古
 之風規亦今時之樞要龍睛鵠眼一覲覶破便可驅
 耕夫之牛奪飢人之食驅耕夫之牛令他苗稼滋盛
 奪飢人之食令他永絕飢虛政如上將軍臨陣破敵
 犧鼓搴旗寸步不施橫尸萬里真教四夷入貢八表
 來歸豈不是大丈夫見成就是大丈夫事其或不然仲
 冬嚴寒季冬極寒莫把是非來辨我浮生穿鑿不相
 關復舉僧問西堂有問有答賓主歷然無間無答時

如何堂云怕爛却那僧又問長慶慶云相逢盡道休
 官去林下何曾見一人師云二員古佛與麼答話可
 使千古流芳若要坐斷衲僧咽喉則未可在今夜有
 問靈巖有問有答賓主歷然無問無答時如何只向
 他道冬至寒食一百五上元定是正月半久立
 上堂化育之本物我同途生佛之元古今不易所以
 雪峯道盡大地撮來如粟米大拋向面前漆桶不會
 打鼓普請看卓拄杖云六爻未動羣陰塞一氣潛回
 萬彙新
 除夜小參德山小參不答話人貧智短趙州小參要

撰述

西游記卷第

答話馬瘦毛長靈巖今夜小叅有問卽答無問卽休
 終不將珍珠作豌豆糴却豈不見南泉和尚云王老師
 自小牧一頭水牯牛捉向溪東牧不免食他國王
 水草捉向溪西牧也不免食他國王水草不如隨分
 納些些總不見得雖然如是未免笑破衲僧鼻孔且
 道衲僧有甚長處還委悉麼一年三百六十日一日
 還他十二時禪客相逢只彈指此心能有幾人知
 復舉道吾真和尚云鋒刃上跨跳微塵裏走馬勞勞
 去復來箇是知音者師云真點胸名不虛得檢點將
 來也只是三步四步未見七跳八跳在靈巖今夜分

歲無可與諸人暖熱隨分也說四句燈籠拜露柱露
 柱拜燈籠明朝添一歲含笑舞春風

上堂脩山主道破二不成一一法鎮長存若作一二
 會永劫受沉淪山僧道二破卽成一一法永無存不
 作一二會擺手出迷津恁麼恁麼一莖草玉殿瓊樓
 不恁麼不恁麼玉殿瓊樓一莖草恁麼中不恁麼不
 恳麼中却恁麼橫吞栗棘豎透金圈拈三條箋束取
 肚皮到處住山去豈不坐斷報化佛頭擊拂子云有
 意氣時添意氣不風流處也風流良來昔也那
 上堂言無展事語不投機一句截流萬機寢息智積

撰述

南堂印記卷之六

大士於無生中示現受生卽不問智者大師親見靈山一會儼然未散什麼處得者消息來若也道得首座有長處藏主定不識藏主有長處侍者元不知所以道譬如河中水流競奔逝各各不相知諸法亦如是喝一喝清平世界切忌訛言便下座上堂古德云我說法要譬彼天澤汝緣合故當見其道山僧今日與諸人眼眼相見心心相知不是緣合且作麼生是見道這裏會得人情若好吃水也肥若也不會近在眼睛中遠過河沙國

上堂舉子湖和尚忽一夜於僧堂前斗捉賊大眾皆

驚有一僧自堂中出子湖擒住云捉得也捉得也僧云不是某甲湖云是卽是只是你不肯承當師云子湖好與二十拄杖何故誣人之罪以罪罪之

上堂東山演和尚云病來又病皮黏骨可殺驚人抖擻起來無一物卻較些子行不成步語聲低描也描不成畫也畫不就鼻孔依然高突兀築著蘊著好大衆古人發揮到無發揮處直是驚天動地邁古超今山僧一夏以來病來病去病得起來內不見有四大五陰外不見有山河大地上不見有諸佛下不見有衆生中不見有自己淨裸裸赤洒酒沒可把幸自可

撰述

南宮子集卷之六

憐生無端侍者進退一叚公案未了今朝月望拈香
底拈香揖客底揖客濡毫底濡毫請法底請法直要
山僧向大虛空中大書皇帝萬歲四字莫有爲山僧
代筆者麼舉起拂子云文明齊北極睿筭等南山擊
拂子下座

上堂今朝七月一一夏相將畢汝等參玄人也須明
得失喝得又得箇什麼失又失箇什麼擊拂子白雲
乍可離青嶂明月難教下碧天

解制小參秋風浙浙玉露溥溥蟬噪林間蛩吟砌下
揭示生佛未具已前一段奇特大事借使千聖出頭

各以出過天女辯才音聲善巧發揮莫過於此所以
道欲從觀音門入者蝦蟆蚯蚓與汝發機欲從文殊
門入者牆壁瓦礫與汝發機欲從普賢門入者一旦
晴虛森羅萬象與汝發機豈不見鏡清一日問僧云
門外什麼聲僧云蛇咬蝦蟆聲清云將謂衆生苦更
有苦衆生又問僧云門外什麼聲僧云雨滴芭蕉聲
清云欲得不招無間業莫謗如來正法輪又問僧云
門外什麼聲僧云簷頭雨滴聲清云衆生顛倒迷已
逐物僧云和尚尊意如何清云洎不迷已僧云洎不
迷已意旨如何清云出身猶可易脫體道應難好大

撰述

齊東野語卷之二

衆効輪揮處日月沉輝寶杖敲時乾坤失色欲明恁麼事須是恁麼人若是恁麼人愁甚恁麼事卽今秋初夏末兄弟家東去西去前途忽有人問恁麼事畢竟作麼生抵對若道不得木上座與汝代一轉語去卓拄杖一下自出洞來無敵手得饒人處且饒人復舉仰山夏末上問訊鴻山鴻云子一夏都不上來在下面做得箇恁麼仰云鉏得一片畬種得一籜粟鴻云子可謂不虛過一夏仰山却問鴻山云和尚一夏作得箇恁麼鴻云日裏一餐夜後一寢仰云和尚亦不虛過一夏道了不覺吐舌鴻云寂子何得自傷

已命師云鴻仰父子大似萬仞龍門動卽生風起浪爭如靈巖這裏一夏以來上旣無言下亦無語自然平恬恬地還委悉麼水歸大海波濤息雲到蒼梧氣象閑然雖如是更聽一頌鉏畬種粟功非少飽飯安眠德不孤倒腹傾腸都說了不知秋色在庭梧久立珍重

上堂一葉落天下秋神仙何必更封侯一塵起大地收萬里銀河輒玉越卓拄杖有意氣時添意氣不風流處也風流進退頭首并謝大雲長老上堂一椎便就揭開華藏

撰述

南堂詩卷之六

十三重不假一椎抹過無邊香水海兩堂下喝賓王
 歷然照用同時與奪自在便見大雲彌覆六合清風
 甘澤順時百果成熟且結角羅文一句作麼生道趁
 時蓋却屋乘時刈却禾輸納王租了鼓腹恣謳歌
 上堂年年是好年日日是好日因什麼三年一閏九
 日重陽青青翠竹總是真如鬱鬱黃花無非般若因
 什麼道得之於心伊蘭作栴檀之樹失之於旨甘露
 乃蒺藜之園雲門道盡乾坤大地無纖毫過患猶是
 轉句不見一色始是半提更須知有全提時節如何
 是全提時節參

未宗西堂至并謝頭首上堂一大藏教道什麼如是我聞先已錯廣福堂前正令行空裏磨盤生八角王賓互換縱奪臨時掀翻大海躍倒須彌擊拂子太湖三萬六千頃月在波心說向誰

上堂首座已出世首座已行脚掀翻華藏海撼動黃金鐸萬仞峯頭不露身擡眸始信乾坤窄上堂入城思量上堂歸來舉似大眾只恐聽事不真未免喚鐘作甕便下座上堂前無釋迦後無彌勒中無自己鐘樓上念贊床脚下種菜甜瓜徹蒂甜苦瓠連根苦時有僧問心不

撰述

南宮子集卷之六

是佛智不是道還端的也無師云吃飯止飢飲水定渴僧云智不到處切忌道著作麼生師云塞却耳根分明聽取僧擬進語師震威一喝便歸方丈復舉三角示衆云若論此事貶上眉毛早已蹉過時麻谷出衆云貶上眉毛則不問作麼生是此事三角云蹉過也麻谷便掀倒禪床三角劈脊便棒師云二員古佛然則縱奪可觀其奈傷鋒犯手山僧者裏自來未曾提著此事諸人也未曾貶上眉毛中間固無蹉過不蹉過底道理諸人旣不掀倒禪床山僧也不劈脊便棒自然聲和響順形直影端非唯主伴互融抑亦人

天欣悅擊拂子水歸大海波濤息雲到蒼梧氣象閉上堂嚴居閒寂遠塵囂多謝同人訪寂寥心月有光吞萬象普天無夜不元宵所以道當明中有暗勿以暗相遇當暗中有明勿以明相暗明暗各相對比如前後步咄這裏是什麼所在說明說暗說前說後咄道火何曾燒却口

佛涅槃上堂僧問摩訥告衆入般涅槃釋迦老子誑諉閻閻合與三十拄杖和尚合作麼生師云你也合哭六十拄杖進云過在什麼處師云癡人棒打不死師乃云如來不出世亦無有涅槃以本大願力示現

撰述

自在法拈拄杖不是大願力卓拄杖不是自在法舉起也千身彌勒放下也隨處釋迦只爲諸人取上眉毛却入娑羅雙樹間去也靠拄杖見之不取千載難忘

上堂僧問以字不成八字不是是什麼字師云一大藏教裏尋取進云恁麼則輝天鑑地去也師云爍破闍梨面門僧又問雲門放洞山三頓棒意旨如何師云沙裏無油又問鳥窠吹起布毛又作麼生師云石中有髓進云如何是祖師西來意師云金錐影動進云如何是佛法大意師云寶劍光搖進云爲復只這

是爲復別更有在師云海裏須彌日月高僧禮拜師乃云以字不成八字不是一大藏教輝天鑑地雲門放洞山三頓棒沙裏無油鳥窠拈起布毛吹石中有髓金錐影動寶劍光搖海裏須彌日月高拍禪床下座

吳門兜率圓侍者智蓮發心捐衣鉢資敬刻
南堂了菴禪師語錄第六卷專伸報薦
先父靜蓮石公先母朱氏早生淨土
松陵天食張雋對稿金陵蔣淨榮刻
崇禎八年佛降生日始蘊兜率圓謹識

南堂了菴禪師語錄卷之六

終

撰述

南堂了菴禪師語錄卷之七

南堂了菴禪師語錄卷之七
 小吸普濟東方苦參學比丘祖運志道等編
 师祖因緣燈明照明後學沙門兜率明聞重閱
 願念任平江路靈巖禪寺語下
 小參未言先領會無邊利境於毫端未舉先知融十
 世古今於當念見前衆等適茲夏首莫不踞苔蘚乘
 修寂滅行同入清淨實相住持以大圓覺爲我伽藍
 身心安居平等性智如斯標致足可觀光檢點將來
 未免笑破衲僧口豈不見雲門大師道盡乾坤大地
 無纖毫過患猶是轉句不見一色始是半提更須知

南堂了菴禪師語錄卷之七
 小吸普濟東方苦參學比丘祖運志道等編
 师祖因緣燈明照明後學沙門兜率明聞重閱
 願念任平江路靈巖禪寺語下
 小參未言先領會無邊利境於毫端未舉先知融十
 世古今於當念見前衆等適茲夏首莫不踞苔蘚乘
 修寂滅行同入清淨實相住持以大圓覺爲我伽藍
 身心安居平等性智如斯標致足可觀光檢點將來
 未免笑破衲僧口豈不見雲門大師道盡乾坤大地
 無纖毫過患猶是轉句不見一色始是半提更須知

撰述

有全提時節大衆你要識全提底時節麼我若全提去便須荒卻院散却衆是你諸人擬向什麼處措足事不獲已隨汝顛倒所欲南斗七北斗八多處添少處裁有時拈一莖草作丈六金身有時將丈六金身作一莖草或則於無中唱有或則於有中唱無或則於聖中顯凡或則於凡中顯聖或則於賓中辨主或則於主中辨賓或則先照後用或則先用後照或則照用同時或則照用不同時是皆從無住本立一切法如將蜜菜換苦葫蘆豈有實法與汝持論喝一法不存翳汝眼睛眼睛不明世界崢嶸卓拄杖肇開華

獄連天秀放出黃河倒海聲

復舉古者道者一片田地分付來多時也我立地待你構去法眼云者一片田地分付來多時也我坐地待你構去佛果云者一片田地分付來多時也我今與汝當面慶懾師云立地待你構坐地待你構慶懾別有上聞未免遙時失候山僧道者一片田地分付來多時也自是你不肯承當且道過在什麼處良久云在家疑是客別國却爲親久立珍重

上堂今朝四月十五隨分椎鐘擊鼓燈籠動地放光露柱掀天起舞揭開臨濟三玄抽却雲門一顧擊拂

撰述

西漢書

卷之十

子發機須是千釣弩

聖節上堂金剛正體洞徹十虛般若靈光該羅萬有
昭昭於心目之間而相不可覩晃晃於色塵之內而
理不可分與天地同一覆燾與日月同一照臨與山
岳同一穹崇與江河同一流注所謂佛佛授手祖祖
相傳若聖若凡皆承恩力慶逢嘉運仰祝堯齡一句
當陽如何舉唱刼石有銷日君恩無盡時
上堂古德道護生須是殺殺盡始安居會得箇中意
鐵船水上浮山僧道有生還有殺無殺亦無生不勞
鵝護雪晉取蠟人冰這箇說話前日首座已說今日

山僧現說異日諸人當說已說現說當說不出者箇
時節且道是什麼時節茫茫普熟紛紛下雪倒流四
河再發枯枿臨濟德山特地癡枉費精神施棒喝雖
然如是誰知這煙浪別有好思量

上堂僧問離四句絕百非請師直指西來意師云拈
燈籠來佛殿裏將山門安燈籠上進云還有爲人處
也無師云若無舉鼎拔山力千里烏鵲不易騎僧禮
拜師乃云離四句絕百非西來祖意獨露當機拈燈
籠來佛殿裏將山門安燈籠上咄若無舉鼎拔山力
千里烏鵲不易騎

撰述

南宮子集卷之二

上堂時節不相饒今朝五月五東家釘桃符西家懸
艾虎孤峯絕頂頭也須資一路拈起須彌椎且擊虛
空鼓翻身躍倒鬼門關大地山河無寸土喝一喝下
座

請提點上堂楊岐栗棘蓬東山鐵酸餚多處添些子
點卽不到少處減些子到卽不點萬機俱赴八面玲
瓏一句全提風行草偃擊拂子龍得水時添意氣虎
逢山色長威獰

上堂一葉落天下秋一塵起大地收國師三喚侍者
無端賣弄風流靈巖則不然大空陞堂小空入室擊

拂子多虛不如少實

上堂安居禁足此土西天向上一路千聖不傳卓拄
杖真淨界中纔一念閻浮早已八千年
上堂二三日來智積大士向這裏與諸人說發生萬
物無礙法門不到得雷聲浩大雨點全無直得頭上
漫漫脚下漫漫若非諸人咬定牙關未免浸爛鼻孔
山僧卽今與汝拔本去也萬人遐仰處紅日到天心
上堂僧問智不到處乞師指示師云南天台北五臺
進云只如古人道切忌道著道著則頭角生又且如
何師云識法者懼師乃云一塵入正受諸塵三昧起

撰述

西漢書卷之十

坐斷上頭關千莖生碓觜雲門大師道平地上死人無數過得荆棘林是好手只知開口易不覺舌頭長時有僧出云恁麼則堂中上座有長處也雲門云蘇蘆蘇蘆雲門若無後語爭服得人若是真正衲僧直須荆棘林裏坐荆棘林裏臥前面牛頭獄卒後面馬面阿旁左邊銅柱鐵牀右畔烈河灰刃中間吞底熱鐵丸飲底洋銅汁於一晝夜有萬生死求一毫苦相不可得求一毫樂相不可得然雖如是要作半箇人也未得在作麼生得十成去良久云勞破華山雷未迅照開滄海月非光瞎驢滅却正法眼直得哀聲滿

大唐

進退頭首上堂令朝九月九萬物隨時候滿泛茱萸茶何用菊花酒畢竟醉兀兀不似長醒醒諸人若也信得及便見堂中上座決有長處知得堂中上座決有長處便知釋迦老子橫說豎說直說曲說四十九年重重敗闕知得四十九年重重敗闕便知興化堂前饋飯吹香克賓維那全鋒敵勝便知古雪竇抑揚有準韓大伯笑裏藏刀知得抑揚有準笑裏藏刀便知國師三喚侍者三應將謂吾孤負汝却是汝孤負吾雖然且道節文在什麼

撰述

西漢書卷之二

正

虛無拂子閃電爍開千聖眼好山多在太湖中
 上堂僧問和尚未見保寧時如何師云眉毛在眼上
 進云見後如何師云鼻孔太頭垂進云恁麼則全承
 條力去也師云夜半放烏雞師乃云三世諸佛向火
 燄上轉大法輪演出一大藏火燄爲三世諸佛說法
 三世諸佛立地聽演入一大藏拈却一大藏與誰論
 出入鮎魚上竹竿俊鶴趨不及離四句絕百非小玉
 聲中得路歸活袞袞阿刺刺千里萬里橫該抹
 小參大智非名真空絕跡欲得現前莫存順逆盡十
 方世界是箇華藏海盡十方世界是箇舍那身一椎

便就塞壑填溝不假一椎輝天鑑地可以弘揚祖道
 可以建立化門可以全主全賓可以同生同死其或
 情存有限量識昧圓常枯木巖前寧免蹉路僧問趙州
 如何是不錯路州云識心見性是不錯路妙喜云棒
 打石人頭剝剝論實事不用作禪會不用作道會你
 要得不錯路直須是識心見性始得且作麼生是識
 底心見底性有般漢便道有水皆含月無山不帶雲
 怎麼見解正是鄭州出曹門大眾好本天下同豈不
 見兜率悅和尚云撥草參玄只圖見性卽今上人性
 在處旣見性了卽脫生死眼光落地時作麼生脫

機

生死卽知去處四大分散時向什麼處去前箭猶輕後箭深你禪禾家出叢林入保社正是爲什麼邊事你若能識自本心見自本性了便如白衣拜相等閒平步丹霄出一言施一令自然風行草偃水到渠成且不用倚人門戶傍人牆壁便乃能驅役一切人一切人無有能驅役汝者豈不是大丈夫兒成就大丈夫事若也尋言覓句逞解逞能以有思惟心測度如來圓覺境界如取螢火燒須彌山終不能著以拂子畫一畫云今夜羣陰剝盡明朝一陽復生大家履踐通天路莫向如來行處行

復舉五祖演和尚云僧問趙州如何是祖師西來意州云庭前柏樹子恁麼會便不是了也僧問趙州如何是祖師西來意州云庭前柏樹子恁麼會方始是師云一等是恁麼說話就中因甚有是不是山僧借婆帳拜婆年去也幽幽寒角發孤城十里山頭漸杳冥一種是聲無限意有堪聽有不堪聽久立珍重

上堂舉保寧和尚云若說佛法供養大衆未免眉須隨落若說世法供養大衆入地獄如箭射去此二途當說什麼三十舌頭無用處一雙空手不成拳師云

自己心笑破他人口

雪嶺六年弄巧成拙出得身來天闊地闊好事
大家知今朝腊月八

仙巖仲謀和尚遺書至^{上堂}杜城山頂打鳳羅龍黃
池水邊張蝦釣鼈逗到衣錦還鄉一隻斬釘截鐵如
今傀儡線索斷五色祥麟步天岸有伴何妨却^再來
了却先師舊公案且先師公案作麼生了卓拄杖喝
一喝

上堂恁麼恁麼真不掩偽不恁麼不恁麼曲不藏直
恁麼中有不恁麼不恁麼中却恁麼南天台北五臺
一大藏教五千四十八卷半滿偏圓權實空有鳥窠

吹起布毛侍者便悟去卽不問兔頭截角道將一句
來明招云這裏風頭稍硬且歸煖處商量大眾隨至
方丈明招云纔到煖處便要瞌睡以拄杖一時趕散
通方上士未舉先知後學初機椎聲斷後

上堂顧視大眾云這裏莫有作家戰將麼時有僧出
衆云盡大地是箇問頭和尚作麼生答師云退庵空
是箇答語是你作麼生領僧云萬福師云拄杖不在
菩帝柄與你三十^妙
問人有明眼人在師云你莫
是患盲麼僧無語師喝云將謂是收燕破趙之才元
來做不得行脚小卒在出去師乃云若論戰也个

在轉處到裏直須通方上士本色英流寸刃
不施全鋒敵勝六武未然擬議不來觸體粉碎卓柱
杖喝一喝下座

浙江紹興府余姚縣弟子張廷賓法名道政刻
南堂了菴禪師語錄第七卷伏願
太夫人呂氏晚景榮華莊嚴克備者
松陵天食張雋對稿崇禎八年乙亥端陽日金陵薄淨榮
識

南堂了菴禪師語錄卷之七



80

1 2 3 4 5 6 7 8 9 100

四
廿
九